

حزب عدلیہ

برنجی سنہ

۲ شباط ۱۳۲۵

صالی نومرو : ۵

قِسْمَتِ سَنَجَانِ

نوبہرات عدلیہ

زور سنجانی بدایت محکمہ سی جزا دائرہ سی	کربلا سنجانی بدایت محکمہ سی جزا دائرہ سی ریاستی
رئیس شگری افندیہ	
دیوانیہ سنجانی مدعی عمومی معاون سابق	زور » » » »
جمال الدین افندیہ	
سلطان یری قضاسی بدایت محکمہ سی مدعی عمومی	بنغازی » مدعی عمومی معاون ملکی
معاونی رشاد بکہ	
غوسینہ قضاسی بدایت محکمہ سی مدعی عمومی	سلطان یری قضاسی » »
معاونی طیب افندیہ	
پرزرین سنجانی اجرا مأموری محمد افندیہ	غوسینہ » » » »
بغداد اعضای سابقہ سندن آغوب افندیہ	بغداد ولایتی استیناف محکمہ سی اعضا ملازم ملکی

بغداد ولایتی بدایت مدعی عمومی معاونت کی

کربلا سنجانی بدایت محکمه سی باش کاٹی
عبدالواحد افندی به

» » » اعضائی

پتورکه قضاسی بدایت محکمه سی جزا ریاستی

بغداد ده دعوی وکیلی آنی افندی به
مکتب حقوقدن اعلی درجه ده مأذون عبداللطیف
افندی به

قضاء مذکور مدعی عمومی معاونت کی

دیاربکر ولایتی استیناف محکمه سی اعضائی

طربزون ولایتی ایکنجی مستنطقی ذکی افندی به
جانیک سنجانی بدایت محکمه سی اعضا سندن
ایساق افندی به

» بدایت »

دیاربکر بدایت محکمه سی اعضا ملازمی واسیل جودی
افندی به

یافه قضاسی بدایت محکمه سی جزا ریاستی

مکتب حقوقدن علی الاعلی درجه ده مأذون
محمد نوری افندی به

» » » قارص

مکتب حقوقدن علی الاعلی درجه ده مأذون
علی غالب افندی به

قولاشین قضاسی » مدعی عمومی معاونت کی

قومانوه قضاسی مستنطقی لطفی افندی به

قالقاندلن » » »

قوصوه مرکز ایکنجی مستنطقی عثمان نجاتی افندی به

اینه بولی » » »

صاروخان سنجانی بدایت محکمه سی اعضا سندن
محمد مصطفی افندی به

صاروخان سنجانی بدایت محکمه سی اعضائی

مکتب حقوقدن علی الاعلی درجه ده مأذون
شکیب افندی به

قارص قضاسی بدایت محکمه سی مدعی عمومی معاونت کی

باغچه قضاسی بدایت محکمه سی مدعی عمومی معاونت کی
اوخانس ذکی افندی به

» » » باغچه

چورلی قضاسی بدایت محکمه سی مدعی عمومی معاونت کی
معاون اسبقی محمود ندیم افندی به

تفویض بیورلش وکنگری سنجانی بدایت محکمه سی جزا دائره سی رئیس علی فهمی افندی ایله
قره حصار صاحب سنجانی بدایت محکمه سی جزا دائره سی رئیس عبدالرحمن ناشد افندینک ولاذقیه سنجانی
بدایت محکمه سی مدعی عمومی معاونت کی عثمان شریف افندی ایله طرابلس شام سنجانی بدایت محکمه سی
مدعی عمومی معاونت کی حسن کامل افندینک وطربزون ولایتی مرکز بدایت مدعی عمومی معاونت کی عثمان نافذ
افندی ایله قوصوه ولایتی مرکز بدایت مدعی عمومی معاونت کی سعادت بکک بجایشلری اجرا ایدلش وهومی
الهمدن مخلف اولیانلرک تحلیفلری در دست اجرا بولنمشدر .

اطنه ولایتی استیناف محکمه سی مدعی عمومی

قسطمونی ولایتی استیناف محکمه سی مدعی عمومی
عمومیلکندن مستغنی سعدالله افندی به

طرابلس غرب ولایتی مرکز بدایت محکمه سی جزا دائره سی ریاستی

خداوندکار ولایتی مرکز بدایت محکمه سی مدعی عمومی شوکت افندی به

خداوندکار ولایتی مرکز بدایت محکمه سی مدعی عمومی

سوریه ولایتی مرکز بدایت محکمه سی جزا

دائره سی رئیس سابق حکمت بکه

تفویض بیورلش وهومی الهم اساساً مخلف بولنمشدر .

محکمہ تمیز مقرراتی

« ضبطنامه ده چیزیلان سطرلرک تصدیق وائشای محاکمه ده استماع و یا افاده سی قرائت
ایدیلان شهود افاداتنک ضبط واعلامه درج ایدلامسی وشهادت کاذبه دن طولای توقیف
ایدیلان کسانک رجوع ایتملری اوزرینه تکرار متهملر مواجهه سنده استشهاد اولناملری
وهر بر متهملک نه نوع آلتله فعل جرح وقتله جرأت ایتدکلرینک ودرجه اشتراکلرینک
تعمیق وویکلیک مدافعه سنک رد ایدلامسی ومدافعه شهودینک تعریفات قانونیه دائره سنده
تحلیف ایدلاملری ومتهملک سن قانونینک تحقیق اولناملری ومجرمیت قرارنده تعریفات
مهمه استعمال اولنمی ومتهملک مابه الاتهامی اولان افعالک قسماً قرارده مسکوت براغلمسی
ومجروح حقنده قطعی راپور آلتلامسی ومقتولده بولنان بر قورشون جریحه سی متهملردن
هانکیسنک اندینی سلاح قورشونی اولدیفنک ظاهره چیقارلامسی وتبدل هیئنده ضبط
سابقک قرائت وجلسه زیرینک امضا ایله توثیق وافادات مضبوطه نک دلائل تأییدیه سنک
ارائه وشهودک تعریفات قانونیه دائره سنده تحلیفلرینک اجرا اولناملری ومتهمل دخی
مجروح اولدینی حالده تعرضک ابتداء هانکی طرفدن وقوعبولدیفنک تدقیق ایدلامسی
نقض حکمی مستلزمدر »

محکمہ تمیز جزا دائره سندن صادر اولان ۲۴ ذی الحجه سنه ۳۲۷ و ۲۴ کانون اول سنه
۳۲۵ تاریخلی و ۷۳۲۵ نومرولی اعلامک صورتیدر :

رسول بن عبو زید ایله خلف بن موسانک قتلندن وسائردهن طولای جنایله متهمل و غیاباً محکوم بولنان

اشخاص من مامد بن چنیدی وحسن بن عمر وعمو بن مراد ونعمت بن محمد و ابراهيم بن علو وعثمان بن احمدك مواد سائر دند طولاني موقوف اولدقلى ا كلاشلمسى اوزرينه وجاهاً اجرا قلنان محاكمه لرى تيجه سنده بولردن حسن وعمو ومامدك حربلوسلى ملك ايله خلف بن موسايه عائد من غير تعمد قتل وعمر نام شخمسك قتله معاونت وقتل قصديله تشهير سلاح فعللرندن ده مجرم اولدقلى ا كلاشيله رق بالتوحيد اعظم جرملى اولان من غير تعمد قتل فعللرندن دولاي ديكر متهم نعمتله برابر قانون جزانك ١٧٤ نجى ماده سنك برنجى فقره سنه توفيقاً وجرائم عادييه قانونه تطبيقاً اون بش سنه كورك جزاسنك نصفى اولان يدشر بچق سنه مدته كورك قونلرينه و ابراهيمك برائته دائر سعرد سنجاغى بدايت محكمه سى جزا دائر سندن صادر اولان ٢ ايلول سنه ٣٢٥ تاريخى و ١٩٢ و ١٩٣ نومرولى ايكي قطعه اعلام ايله متفرعاتى باش مدعى عمومىك ماموريت عليه سندن ٩ تشرين ثانى سنه ٣٢٥ و ٤٥٧٤ نومرولى تبليغنامه ايله محكمه تميز جزا دائر سنده ارسال اولغله اوراق مذ كوره مطالعه و قرائت اولدى .

تبليغنامه ده ١ ايلول سنه ٣٢٥ تاريخى محاكمه ضبطنامه سنك اوچنجى صحيفه سنده چيزيلان اوچ سطر ك اصولى دائر سنده تصديق ايدلامش اولمى وشاهد نورينك حضور محكمه ده كى افاده سنده وبيانات مضبوطه لرى قرائت ايديلان ملك و ديكر شهودك دخى افادات استنطاقه لرى ماهياتى ضبطنامه يه درج ايديله رك ديكر شهودك افاداته عطفيله ا كتفا اولمى وحضور محكمه ده متهمنر حقنده بركونه شهادت ايتامش اولان مدو ورفقاسنك شهادت كاذبه ده بولندقلرندن بالبحث تحت توقيفه الندقدن صكره شهادت واقعه لرندن رجوع ايتلىرى اوزرينه تكرار محكمه يه جلبله متهملر مواجهه سنده معلوماتلرينك ومتهملردن هر برى نه نوع آتله جرح وقتله جراتى ودرجه دخل و اشتراكلى حقنده كى مشهوداتنك بعدالاستيضاح متهملر كده بوبابده كى مدافع لرينك استماعى لزوم قانوني سندن ذهول اولمى ومتهملر حقنده كى شهادات اخيره لرى كندولرلى تحت توقيف واتضييقدن قور تارمق مقصديله خلاف حقيقت اولديغه دائر وكيك مدافعاتنك رد اولنماسى ومدافعه شهودينك امر تحليفلرينك اصول جزائيه نك ٢٦٨ نجى ماده سنه استناد ايتديرلما سى ومتهم حسن اثنائى محاكمه بكرمى اوچ ياشنده اولديغى سويلسنه وجرم ٣١٦ سنه سنده وقوع بولسنه نظراً سن صحيفنك مرجعندن بعدالاستعلام درجه مجازاته تأثير قانونيسى اولان بو نقطه مهمه دن ده ذهول اولمى ومجرميت قرارنده بحث اولنان اخباراتك ماهيتى وضبط وكشف ورقه لرى مندرجاتى ايضاح ايديله رك بر تعبير عمومى ايله كچشديرلمش اولمى ومقتولك قرداشلرينك قتل قصديله ده تشهير سلاحدن دولاي متهم اولميرينه كوره مجرميت قرارينك نهايتلرنده هر ايكي جرمدن تجريم ايدللىرى ومقتول ملكه متعلق ١ ايلول سنه ٣٢٥ تاريخى ضبطنامه ده مجروح عمر ك جريحه سى حقنده كى كشف ورقه سى قطعى المفاد اولماسنه بناء تكرار معايينه سنه ويا جريحه سنك نه رنك كسب ايتديكنك وسائط سائر ايله تحقيقنه كيدلامسى وبونده ده مشهودك تعريفات قانونيه دائر سنده تحليفلى اجرا ايدليكك ومجرميتلىرى ايچون استناد ايديلان دلائل واخبارت

ماهيتنك قرارده ايضاح اولنماسى ومقتوله بر قورشون يارمى بولمىسه ومتهلر ايسه متعدد اولميرينه كوره قنغيسنك اتديغى سلاح قورشونى اصابت ايدرك وفاتنه سببيت ويرديكنك شاهد محموددن استيضاح ومجرميت قرارنده جرمه درجه دخل واشتراكلرينك ارائه اولنماسى و ٣١ اغستوس سنه ٣٢٥ تاريخنده هيئجه تبدل وقوعبولش ايكن تكرير محاكمه قاعده قانونيه سنه رعايت اولنماسى و ١٤ نيسان سنه ٣٢٥ تاريخى اوچنجى ضبطنامه ده دخى برنجه جلسه زيرى هيئت حاكمه نك هيچ بريسى طرفندن مضى اولماسى ومجرميتنه اساس اتخاذ ايديلان افادات مضبوطه نه كى دلائل سائر ايله تايد ايتديكنك وبو افاداتدن هر برينك جرمه كى اشتراكلى درجه سى نه صورته ا كلاشديغى سبب موجب بيانيله واضحاً كوسترلما سى و ٢٥ مائس سنه ٣٢٥ تاريخى دردننجى ضبطنامه ده شاهدك امر تحليفنك ٢٦٨ نجى ماده اصوليه دائر سنده اجرا قلنماسى و ٢٧ تموز سنه ٣٢٥ تاريخى بشنجى ضبطنامه ده دخى يالكز افادات مضبوطه سنك مدار مجرميت عد اولغله برابر افاده سى قرائت ايديلان عبداللهك افاده مضبوطه سى ضبطنامه ايله اعلامه كچيريليرك ديكر شاهدك افاده سنه عطفله ا كتفا ومتهم مامدن اشبو مسئله ده رفيق اولوب حقوق عموميه نك سقوطنه قرار ويرلمش اولان مريش دخى كوكندن مجروح اولمىسه كوره تعرضك ابتداء هانكى طرفدن وقوعنك تحقيق وتعميقندن ذهول اولمى يولسز ومخالف قانون اولديغندن مذ كور اعلاملرك حكم جنائى قسملرينك تقضى طلب اولمشدر . حكم جنائى حقنده تدقيقات تميزيه لى الاجرا : تبليغنامه ده سرد اولنان اعتراضات مندرجات اعلامه نظراً وارد ومستلزم نقض اسباب قانونيه مستند اولديغندن اصول محاكمات جزائيه قانوننك ٣١٤ نجى ماده سنه توفيقاً حكم مذ كورك نقضيله اوراقنك محله اعاده سنه و ايكوز غروش اعلام خرجنك تحصيلنه ١١ تشرين ثانى سنه ٣٢٥ تاريخنده قرار ويرلدى .

« متهمك همشير زاده سنك بلا تحليف استماع اولمى واثناى محاكمه متهمك شهادى تحقير ايتمى حالنده شكائنامه ويرلمكسز شهودك استماعيله توحيداً محاكمه سنك اجرا ايدلمى وشاهدلرك استنباه صورتيه افاده لرينك اخذنى ايجاب ايتيرن اسبابك كوسترلما سى ومتهملر طرفندن مدافعه شهودى صفتيله جلبلى طلب اولنان كسانك طرف رياستدن جلب ايدللىرى ومدافعه شهادينك بلا تحليف استماع اولمى ، مقتلك كشفنده متهملر وكيك بولنديرلما سى ، قرائت ايديلان افاده مضبوطه واوراق اساسيه اوزرينه ديه جكلرينك متهملردن صورلما سى ، شهود حقنده كى طعنك وبعض اقسام مدافعه نك اسباب رديه سنك كوسترلما سى ، مقتوله كى قورشون متهملردن هانكيسنك اولوب ديكرلرينك جرمه درجه اشتراكلرينك تعميق ايدلامسى نقض حكمى مستلزم اسبابنددر » محكمه تميز جزا دائر سندن صادر اولان ١٧ محرم سنه ٣٢٨ و ١٦ كانون ثانى سنه ٣٢٥ تاريخى و ٧١٤٢ نومرولى اعلامك صورتيدر :

قولونيه نك كسارقه قريه سندن جمال بن بابا شعبانى قتل ايلردن طولاي جنائيه اتهام اولنان شعبان

اوغلاری حسین و محمدله فراری سعید قیلانک اجرا قیلانک محاکمه لری نتیجه سندن قانون جزانک ۲۵ نجی ماده سی دلائله (۱۷۰) نجی ماده سنه توفیقاً اعداملرینه دائر کوریجه سنجانی بدایت محکمه سی جزا دائره سندن ویریلان ۶ کانون اول سنه ۳۲۵ تاریخ و ۳۱ نومرولی اعلام ایله متهمون مرقوموندن حسین و محمد طرفلرندن اعطا قیلانک لایحه تمیزیه واوراق سائر متفرعه سی باش مدعی عمومیلک مأموریت علیه سندن ۳۰ کانون اول سنه ۳۲۵ تاریخ و ۵۷۲۵ نومرولی تبلیغنامه ایله محکمه تمیز جزا دائره سنه ارسال قلمغه کافه اوراق مطالعه وقرائت اولندی .

مذکور لایحه تمیزیه ده ؛ هر شاهدک حتام شهادتی عقبنده ذات و شهادتی حقنده کی طعنک استماعی و شهوددن دخی شهادتندن مرادی کیمک علیه ده اولدینی بالسؤال ضبط و تصریح ایدمک احکام قانونیه دن ایکن بلا سؤال طعن وقوعولدی تعبیریه ضبطه کچورلمی و شاهدلرک بر چوغندن تعریفات قانونیه دائره سنده استیضاح ماده ایلامی و استماع اولنان شهودک افاداتی وقعه دن بر قاچ کون صکره مشتکیلرک اوتده بروده وقوعولان افادانندن مترشح اولوب بوکی افاداتک قانونک نظرنده هیچ بر اهمیتی حاز اولدینی حالده مستحبرات متواتره دن عد ایدلمی و شقاوت و قتل ماده لرندن طولانی کورک جزاسنی کورمش و حقوق مدنی دن ساقط بولنمش اولان حسن مصطفانک افاده سی اسباب موجبیه میاننده حکم ایچون اخبارانندن عد ایدلکدن بشقه محکمه جه وکیللری غایبنده اوله رق اجرا قیلانک کشفده مرقوم حسن مصطفی هیئت احتیاریه صفتیه قبول ایدیلرک معلوماتنه استناداً کشفک اجرا قلمسی و مدافعه وکیل طرفندن درمیان ایدیلان اسباب وادله قانونیه نک بر قسمی حقنده سطحی تدقیقات اجراسیله اکتفا اوله رق جهات سائر رد ویا قبولی حقنده کی اسباب موجبیه سنک یکان یکان فقره حکمیه ده ایضاح اولنماسی و شهود مرتبه کاذبه دن اولان تحصیلدار عابدين افدینک استماعی متعاقب حال و مسلکی حقنده ایچلرندن محمد طرفندن واقع اولان طعن و اعتراضه تجاوزات لسانیه معناسی ویریلرک در حال بر ماه مدته حبسنه قرار ویرلمش و حالبوکه طعن واقع جرم شکلی آلدینی فرض اولنسه بیه جریان ایتمکده اولان محاکمه نک نتیجه سنه انتظاراً اجتماع جرائم قاعده سنه اتباعاً توفیق معامله ایدلمی و در دست محاکمه اولان قتل دعواسندن برائتلری حالنده اطاله لساندن طولانی ایجابنه باقلمسی قانوناً ضروری ایکن بوجهته عطف نظر دقت ایدیلرک هیئت حاکمه حقلرنده ویره جکی حکمی وقتندن اول احساس ایش اولمی و مقتولک سبب وفاتی بر قورشون جرمجه سنک تأثیرندن عبارت اولدینی حالده اسنادات غیر صحیحیه ایله اتهام ایدیلان اوچ شخصک اعدامنه حکم ویرلمی و محمدک وقعه دن بر کون اول اوچکونلک بعد و مسافه ده اولان ناسلیجه کیتدیکی وحسینک ده زمان وقعه ده خانه سنده بولدینی متعدد شهودک درجات اوزرنه واقع اولان افاداتیله متحقق ایکن ویریلان حکمه عقیب وقعه ده فرار ایدرک تعقیبات نتیجه سنده اله کچیلرک بسط و بیان قلمسی واوراق موجوده میاننده بوباده برکونه وثیقه رسمییه اولدینی و مستنطقدن وقوعولان دعوت اوزرنه ایچلرندن حسین مستنطقک

دعوتی و محمدک خانه سنه عودتی متعاقب اثبات وجود ایش اولدق لری محکمه جه حقلرنده وارد وواقع اولمیان اسبابک دلائل صره سنده تعداد ایدلمش اولمی من کل الوجوه مخالف قانون اولدیغندن و سائر دن بحثه حکم مذکورک نقضی استدعا قلمشدر . تبلیغنامه ده دخی ؛ شهوددن درویش باشو و مقصود و بختیار ورستم آیری آیری بالاستشاد افاداتی ده اولوجهله ضبطنامه ایله اعلامه درجی مقتضی ایکن کافه سنک افاده سی برلکده ذکر ایدلمش و مرقومونله اکثر شهوددن علیه ده شهادت ایتدکلری اشخاصدن مقصدلری کیملر ایدوکی استیضاح اولنیه رق بوباده کی امر قانونینک ایضا قلماش اولمی و معلومات قیلندن اوله رق استشهاد اولنان حسین مصطفی و بکتاشک محکومیت سابقه لری مصدق اولوب اولدیغنک تدقیق ایدلامسی و متهملر شاهد سعیدین صادق دایسی اولمی مرقومک محلفاً شهادتنه مانع دکل ایکن بالتحلیف استشهاد اولنمی و بوباده کی شهادتی روئتمی یوقسه سماعی مستند اولدیغنک استیضاحیه ضبطه کچورلماسی و شاهد عابدين بک حقنده متهملرندن محمدک استعمال ایتدیکی الفاظ تحقیریه اوزرنه علی الاصول عابدين بک طرفندن استدعا شیخصی اعطاسی حالنده طرفینک ادعا و مدافعاتی و حاضر بولنانلرک شهاداتی بعد الاستماع اجتماع جرائم حقنده کی قاعده قانونیه توفیقاً ایفای معامله اولنق لازمه دن ایکن بوباده کی مراسم قانونیه اصلاً ایفا اولنق سزین در حال بر ماه حبسنه قرار ویرلمی و ملازم حسن بک ایله ژاندارمه نفری حیدرک استنباه صورتیه استماع شهادتلرینی ایجاب ایتدیرن اسبابک قرارده ذکر اولنماسی ۱۸ مایس سنه ۳۲۵ تاریخنده مدافعه شاهدلری صفتیه جلبلری طلب اولنان کسانک اظهارحق ضمننده طرف ریاستدن بالجب معلومات قیلندن اوله رق استماع اولنلری و مدافعه شاهدی صفتیه جلب ایدیلان عیسی محرمک ده بالتحلیف استماع قلمسی و محکمه قراریه اجرا قیلان کشفده متهملر وکیلنک ده حاضر بولندیرلماش و سلاحک معاینه سنه دائر اولوب قرائت اییلان راپورله مشتکیه زینک افاده مضبوطه سی و اساس ضبط ورقه سنه قارشو دیه جکلری متهمدن صورلیه رق حق مدافع لرینک کوزه دلاماش اولمی و ادعا شاهدلرینه قاشو درمیان اولان طعنه بعض اقسام مدافعه حقنده اسباب موجبیه سردیه بیان رأی قلماسی و مقتولده کی قورشون یازمی بر اولمسنه کوره هر حالده تعمیق تدقیقاتله بوجرحه متهملرندن هانکیسنک تفکی مرمیسیله حاصل اولدیغنک ظاهره چیقارلمی و دیگر لرینک ده ثبوت بوله جق درجه حرکتلرینه موافق بر صورتده تجزیه لری مقتضی ایکن بودائره ده ایفای معامله اولنیه رق کافه سنک اعداملرینه قرار ویرلمی یولسز و قانونه مغایر و لایحه تمیزیه بواعتبارله بجا و وارد اولدیغندن بحثه اعلام مذکورک حکم وجاهی جهتنک نقضی طلب اولنمشدر .

حکم وجاهی حقنده تدقیقات تمیزیه اجرا قندقدده ؛ تبلیغنامه ده شهودک افاداتی اصولاً درج اولنمادینی بولنده کی اعتراضیه کنیدلرندن متهملره دائر ایضاحات اجرا ایدلمدیکی بیان اولنان دیگر شاهدلر متهملر حقنده روئیه مستند اخباراتده بولنیوب افاده لرینی مسموعاته بنا ایدکلرینی و بومسموعاتک متهملر حقنده اولدینی سولدکلری و حسن و مصطفی و بکتاشک محکومیتلرینک مصدق بولندینی اعلامده کوسترلش اولدینی

جهتله خصوصیات مذکوره عائد اعتراضات وارد دکل ایسهده جهات سائر حقنده کی اعتراضاتی بجا ونقضی مستلزم اسباب قانونیه مستند بولنش اولدیغندن اصول محاکمات جزائیة قانوننک ۳۱۴ نجی ماده سنه توفیقاً حکم مذکورک وجاهی جهتک نقضیه اوراقلک محله اعاده سنه وایکیوز غروش اعلام خرجنک تحصیلنه ۳ کانون ثانی سنه ۳۲۵ تاریخنده قرار ویرلدی .

« مرور زمان وقوعنه حکم ایتک محکمه تمیزه عائد وظائفدن اولمادیغنه و خزینیه متعلق امورده مأمورین خزینیه جه مضره ورتده وقوعبولان تصرفاتک قبولی غیر صحیح بولدیغنه و تقاص و محسوبک جوازی دخی ایکی دینک جنساً و صفة اتحادینه متوقف و قرار قائمه سننده موجود شرائطه رعایت احکام قانونیه مقتضیاتندن اولدیغنه بناءً اولماده کی اعتراضاتک وارد اولمادیغنی و تصحیح قرار عرضخالنک دخی اسباب قانونیه تماس ایتدیکی بیانیه ردینه دائر محکمه تمیز حقوق دائر مسندن صادر اولان ۱۶ کانون ثانی سنه ۳۲۵ تاریخلی و ۲۱۹۴ نومرولی قرارک صورتیدر »

مالیه خزینة جلیله سیله اورته کویده واپور اسکله سی اتصالنده کائن ساحلخانه سننده ساکن مقصود زاده سیمون بک بیننده متحدث دعوایه دائر بک اوغلی بدایت محکمه سی برنجی حقوق دائر مسندن ۲۸ مایس سنه ۳۰۶ تاریخلی ویتمش اوچ عددی ایله ویریلوب خزینة مشار الیه طرفندن تمیزی استعدا قلنان اعلامک نقضی یولنده دائر دن صادر اولان ۲ تشرین ثانی سنه ۳۲۵ تاریخلی و ۹۲۵ عددلی اعلام علیهنده اخیراً وفات ایدن مومی الیه سیمون بک ورثه سنندن اولوب بک اوغلنده توقاتیلان اولتنده ساکنه پولن خانم طرفندن اعطا قلنان تصحیح قرار عرضخالی، مدت قانونیه سی ظرفنده ویرلمش وجهله شرائطدن اولان بش لیرا جزای نقدینک ده دیپوزیتو ایدلمش اولدیغنی اکلایشدقندن وباش مدعی عمومیک مأموریت علیهنده مطالعه نامه سی آلتقدن صکره اوراق متفرعه سیله برلشدیریلهرک مطالعه وایجابی مذاکره اولندقدنه : عرضخال مذکورک نتیجه مفادی: هر نه قدر اعلام ابتدائینک تاریخ صدورندن تمیز وقوعی تاریخنه قدر اون بش سنه یی متجاوز مدت مرور ایدرک دعوا ی واقعه مرور زمانه تابع و غیر مسموع اولقله تمیز استدعاسنک ردی لازم کلور ایکن رد ایدلامسی ودائرة اجراجه مزایده اولمقدده اولان عرصه نیک بدلی مورثنک خزینة جلیله ده اولان مطلوباتندن تقاص و محسوبی اجرا اولندیغنی تقدیرده تفرغ ایده چکی یولنده درمیان ایدلیکی تکلیفی خزینة جلیله قبول ایدرک مورثی طرفندن دخی اونیدی بیک التیوز غروشلق برقطه حواله نامه اجرا دائر سنه تسلیم اولنهرق مذکور عرصه نیک مورثنک عهده سنه فراغی اجرا ایدلیکی کرک اجرا دائر سننده بولنان اوراق رسمیه وکرک دفتر خاقانیده محفوظ تذاکر ایله مثبت و اخیراً خزینة مشار الیه نیک تمام اولان معامله یی نقض ایله بتکرار مطلوبات ادعاسنده بولنسی غیر جائز اولدیغنی حالده تمیزاً بو جهتلرک دخی نظر تدقیقه آلمانسی و مذکور عرصه نیک بدلی بر وجه محرر مالیه ده اولان الاجق اوزرینه تقاص و محسوب صورتیه تسویه ایدلیکی مثبت

اولوب بدایت محکمه سی اعلامنده اشبو بدلیک تصفیه ایله تسویه اولندیغنه دائر برکونا صراحت بولنماش ایکن تمیزاً بدل مذکورک تصفیه اولهرق اجرایه تسلیم اولندیغنی بیانیه واقع حالک خلافه ذهاب اولنسی و خزینة مشار الیه نیک اولجه تقاص و محسوبی اجرا ایدلمش اولان مبالغ مزبور ی اخیراً نشر اولنان نظامنامه یه استناداً نقد اولهرق طاب ایلمسی غیر وارد ایکن اشبو جهت نظر تأمله آلتقسنزین نظامنامه مذکور تطبیق حکم ایدلمسندن طولانی اعلام ابتدائینک نقضیه قرار ویرلمسی مغایر قانون اولدیغنی بیانیه دائره اعلامنک تصحیحاً اصلاحی طلبندن عبارت ایسهده اصول محاکماتک ۲۴۲ نجی ماده سنندن مستفاد اولدیغنی اوزره مرور زمان وقوعنه حکم ایتک محکمه تمیزه عائد وظائفدن اولمادیغنی کی خزینیه عائد اولان امورده مأمورین خزیننک تصرفلری مصلحت و منفعتک وجودینه وابسته و مضر صورتده واقع اولان تصرفاتک قبولی غیر صحیح بولنسنه و تقاص و محسوبک جوازی دخی ایکی دینک جنساً و صفة اتحادی حالنده اولهرق ایکی دینک اختلافی تقدیرنده تقاصک عدم جوازی آشکار اولسنه و مزایده قائمه سننک مندرجاتنه کوره بدل مزایده نیک نقداً تسویه سی مشروط اولهرق مشتریمی دخی بو شرطه قبول ایدلیکنه و شرطلره بقدر الامکان مراعات ایدلمک و مقاوله لر مرعی و معتبر طو تملق احکام قانونیه ایجابندن بولنسنه نظراً اعتراضات مسروده غیر وارد اولدیغنی و اصول محاکماتک حقوقیه قانوننک ۲۵۳ نجی ماده سننده محرر اسباب اربعه قانونیه دن هیچ برلسنه تماس ایتدیکی بالتدقیق اکلایشملقله قانون مذکورک ۲۵۲ نجی ماده معدله سی حکمه توفیقاً عرضخال مذکورک ردینه و مذکور جزای نقدینک وزنه جه ایراد قیدینه ۱۶ کانون ثانی سنه ۳۲۵ تاریخنده قرار ویرلدی .

« میبعک موجودیتی شرط اولدیغنی جهتله بیع دیونده باطل اولدیغنه نظراً برکیمسننک اشخاص متعدده ذمتلرنده مطلوبی اولان مبالغی آخره بیع حقنده کی معامله واقعه نیک کائن لم یکن عدی لازم کلدیکی و ذکر اولنان دیوندن مشترینک قبض ایتدیکی مقداری اولجه بایعه بدلاً ویرمش اولدیغنی مبلغندن بالتزویل باقی مقدار ایله بایعه حق مراجعتی بولندیغنی حالده بدایت محکمه سنجه بودائرة ده اجرای محاکمه ایدلیهرک اساسی غیر صحیح اولان بر معامله درمیان ایدیلان شرطه بنای حکم ایدلمسی مغایر قانون اولدیغنه دائر محکمه تمیز حقوق دائر مسندن صادر اولان ۱۶ کانون ثانی سنه ۳۲۵ تاریخ و ۲۰۸۴ نومرولی قرارک صورتیدر »

بک اوغلنده یکیشهرده نومروسز اوطه ده مقیم یاغی اصنافندن میخال ایله قاسم پاشاده حاجی احمد محله سننده یوسکلی حانده ساکن غاز ویاغی اصنافندن پراشکوه بیننده متحدث دعوایه دائر بک اوغلی بدایت محکمه سی برنجی حقوق دائر مسندن ۱۹ حزیران سنه ۳۲۵ تاریخلی و سکیز یوز التمش عددی ایله ویریلان اعلام مدت قانونیه سی ظرفنده مرقوم میخال طرفندن تمیز ایدلمکله باش مدعی عمومیک مأموریت علیهنده

مطالعه نامه سی التقدیر صکره اعلام مذکور طرفینک اعتراض و جواب لایحه لری ایله بالمطالعه تدقیقات تمیزیه اجراسنه ابتدار قلندی .

اعلام مذکورک خلاصه مندرجاتی : مرقوم بر اشکوه مزبور میخالک طبله سنی بوندن مقدم بر بحق سنه مدته دکن طرفدن اداره اولمقی ومدت مذکوره ختامنده طبله سنی کیرو آلوب تحصیل ایده مدیکی حقوقی طرفه اعاده ایتک اوزره یتیش عدد عثمانلی لیراسنه قرارلشدیریلوب مرقومک تجاره اولان اللی لیرا بورجی طرفندن اعطا اولندیغی کبی یکریمی لیراده نقداً کندوسنه تدییه ایدرک اولوجهله نامنه جیرو یتیش اولدیغی اشخاص آخر ذمتنده کی یتیش لیرا الاجفندن شمدی یقدر یکریمی لیرا تحصیل ایتدیکی مثللو یکریمی لیرا مقداریده اشخاص مرقومه دن بعضیلری کندوسنه ویرمک اوزره ایسه لرده متباقی اوتوز لیرا مقدارنده کندوسنی طانیققلری کبی مرقوم میخال دخی قرار واقعه ثبات ایتدیکندن بورجیلردن تحصیل ایدیلهمیان مبلغ مزبور اوتوز لیرانک مع فائض و اجرای موقت تحصیلی طلب ودعوی ایتسنه قارشو مدعی علیه، مدعیدن یتیش لیرا الهرق محله ده کی مدیونلر نده بولنان مطلوباتی اکا حواله ومدعیده اشبو حواله نی قبول ایتکه کندوسندن بوندن طولانی مدعی ذمتنده آلاجنی اولان سکز لیرای ایکنجی حقوق محکمه سنده دعوی ایتیش اولدیغنی بیان وتدکار و محکمه جده اول امرده مدعینک کیملردن اچه اله مدیغنی مبین بر قطعه دفتر تنظیم واعطاسی بالتنبیه مدعیده طلب اولنان مذکور دفتری ابراز ایله برابر حواله واقعه نی مدیونلر قبول ایتیش ایسه ده اساس حواله، اله میان ذماتی مدعی علیه مملکتندن عودتنده قبول ایتسی شرطیه منعقد بولندیغنی افاده وازبار ومدعی علیه شرط مذکوری انکار ومدعیده اشبو ادعاسنی شهود شخصییه اقامه سیله اثبات ایده جکنی اتیان ایتلریله بوبایده اقامه ایدیلان شهودک استماعندن صکره جریان ایدن محاکمه وتدقیقات نتیجه سنده ؛ بیان اولنان حواله نک مدعی علیه مملکتندن عودتنده مدیونلردن تحصیل اولنه میان ذماتی قبول ایتک شرطیه مشروط بولندیغنی شهود مستتمه معدله نک شهادتلیله ثابت اولسنه مبنی مدعی علیه دفع واقعتک ردیه مدعابه اوچبیک یوز قرق یدی غررشک استمدا تاریخندن اعتباراً مع فائض مدعی علیه دن بالتحصیل مدعی به اعطاسنه حکمدن ومستدعی تمیزک اشبو حکم علیه نه لایحه سنده محرر باشلوجه اعتراضی طرفین یتنده جریان ایدن اخذ واعطا معاملات تجاریه دن متولد بولمسنه کوره دعوی واقعه نک مرجع رؤیتی تجارت محکمه سی اولدیغنی و طرفیندن برکونا اعتراض وقوعبولسه بیله محکمه جه رأساً کیفیتک عائد اولدیغنی تجارت محکمه سنه حواله سی لازم کلور ایکن خارج از وظیفه حقوق محکمه سنبجه رؤیت وحکم ایدلسی ودعوی، محکمه نک وظیفه سی داخلنده اولدیغنی تقدیرده مدعی ادعاسنی اوراق ایله اثبات ایتسی قانوناً مقتضی ایکن شهود استماعنه قرار ویرلسی وشهود مستتمه نک افاداننده مبیانت کلیه بولندیغنی حالده محکمه جه قبول واکا بنای حکم ایدلسی یولسز ومغایر قانون اولدیغندن بحشله اعلامک نقضی ولایحه جوابیه مؤداسی دخی؛ سرد اولنان اعتراضاتک غیر وارد اولدیغنی بیانیله ردی وموافق اصول وقانون اولان اعلام مذکورک

تصدیق ومطالعه نامه مندرجاتی دخی ؛ وظیفه حقنده درمیان اولنان اعتراضک وارد اولمدیغنی بیانندن عبارتدر .

ایجابی مذاکره اولندقدنه : اعلام مذکورک مألندن آکلاشدیغنی اوزره مدعی علیه بر طاقم کسانده اولان مطلوبی مملکتندن عودتنده تحصیل اولنه میان ذماتی قبول ایتک شرطیه مدعی به حواله ایتدیکی شهودک شهادتلیله ثابت اولسنه مبنی مذکور حواله دن تحصیل اولنه میان مدعابه اوچبیک یوز قرق یدی غررشک مع فائض مدعی علیه دن بالتحصیل مدعی به اعطاسنه حکم ایدلش ایسه ده طرفینک صورت ادعا وشهودک شهادتنه معامله واقعه ومجله نک ۶۷۳ ماده سی وجهله دخی بر ذمتندن دیگر ذمتنه نقلدن عبارت بولنان حواله اولیوب شرط معلوم ایله دیونک بیعندن عبارت یعنی مدعی علیه مدیونلر ذمتنده کی مطلوبات مبیع ومدعینک مأخوذی بولنان مبلغ ثمن عد ایدلش و دیون ذمت مدیونده ثابت اوصاف بولندیغنه ومجله مذکورک ۱۹۷ نجی ماده سنده کوسترلدیکی اوزره مبیعک موجودیتی شرط اولدیغنی جهته بیع دیونده باطل اولدیغنه نظراً معامله واقعه کآن لم یکن عدیه مدعینک مدعی علیه عائد اولان دیوندن قبض ایتدیکی مقداری مدعینک مدعی علیه اولجه بدلاً ویرمش اولدیغنی مبلغدن بعدالتنزیل باقی مقدار ایله مدعی علیه مدعی به حق مراجعتی اولدیغندن محکمه جه بودائره ده محاکمه اجراسیله مدعینک مدیونلردن استحصال ایدلیکی مقدارک تحققتن صکره یتیش لیرادن بعدالتنزیل باقیسنک استردادینه حکم اولمقی لازم کلور ایکن مدعینک قبض ایتدیکی مبالغک مقداری تحقیق اولنقسزین اساسی غیر صحیح اولان بر معامله ده درمیان ایدیلان شرطه بنای حکم ایدلسی یولسز ومغایر قانون اولدیغندن اصول محاکمه حقوقیه قانونک ۲۳۲ نجی و ۲۴۱ نجی ماده لری موجبجه اعلام مذکورک نقضیه قانون مذکورک ۲۴۴ نجی ماده سنک فقره ثانیه سی حکمه توفیقاً کیفیتک بالرؤیه اعلامه ربطی ضمننده محکمه مذکوریه اعاده سنه ۱۶ کانون ثانی سنه ۳۲۵ تاریخنده متفقاً قرار ویرلدی .

« مسائل مستأخره طولانیسیله برایشک مرجعه سوقی تقرر ایتدیکی تقدیرده مهل مناسب اعطاسی لازم کلور ایکن بوکا مخالف اولهرق مظنونلرک ادعای مجردینه بناء دیگر طرفک محکمه حقوقه مراجعتنک تحت قراره النسی ومنزاع فیه محکک میری اورمانی اولدیغنه دائر برکونه قیده دسترس اولنه مدیغنی حقنده وکیلک سبق ایدن افاده سنک مؤکلی اولان اداره به قارشو حائر تأثیر اولوب اولمادیغنی نظره التامی مستلزم نقض اولدیغنه دائر محکمه تمیز استمدا دائرسندن صادر اولان ۱۴ محرم سنه ۳۲۱ و ۱۲ کانون ثانی سنه ۳۱۰ تاریخلی ۲۵۴۲ نومرولی اعلامک صورتیدر :

قوصوه ولایتی استیناف محکمه سی جزا دائره سندن تنظیم واعطا وامر تهمیمی ۲۶ اغستوس سنه ۳۲۵ تاریخنده اجرا قلنمش اولان ۱۹ تشرین اول سنه ۳۲۵ تاریخ وایکی یوز یکریمی ایکی نومرولی اعلامک

تميزاً تدقيق طلبی حاوی اسكوب اورمان مأموری مصطفی وهبی افندی جانبندن معطی استدعانامه، اوراق متفرعه سیله برلكده باش مدعی عموميك مأموریت بهیه سندن با تبليغنامه ٥ كانون ثانی سنه ٣٢٥ تاریخده محكمه تمیز استدعا دائره سنه تودیع ایدللكه ولدی التدقیق مذکور استدعانامه نك مدت قانونیه سی ظرفده اعطا قلندیفی اكلا شلمغله بالقبول تدقیقات تمیز به اجراسنه ابتدار قلندی .

اعلام مذکور كرك خلاصه مفادی : اونیدی دویم میری اورمانك كوتوكارینی چیقاره رق تولا حاله افراغ ایدللكاری ادعاسیله مظلون علیم اولان استوریان ناچه واندون پاوله ولازو استویان ومانه پاوله ومانه پتره و پتره قوسطه لازو وداقچه ناموم وقوسطوكوركی واستوان یانه واستوریان قولة وناعوم كوركی واستویچه اسحلیه ولوزوپتره واندوقوله وولقو لموره ایله استویچه مطلقونك عندالمحاكمه ادعای تصرفده بولندقلری جهته دعوی واقعه مسئله مستأخره تشكیل ایتكده اولدیغندن محل منازع فیهك میری اورمانی اولوب اولدیغلك محكمه حقوقچه حلندن صكره جهت جزائیه سنه باقلمق اوزره محاكمه نك امهالی قرارگیر اولمش ایكن اداره مذ كوره وکیل محكمه حقوقه مراجعت ایتیه جكنی و مذ كور اورمانك میری به عائد اولدیغنه دائر برقیده تصادف ایدیلهمامش ايسه ده محل مذ كور مظلونلرك اولسه بیله كوتوك چیقارمق اورمان نظامنامه سنه مخالف اولدیغنی درمیان ایش ايسه ده مظلون مرقومك میری اورمانندن كوتوك چیقاردقلری حقنده دلائل قانونیه نك كلیاً مفقود ایدوكندن بختله برائتیرینه دائر لاحق اولان حكم ابتدائی اعلامی اورمان اداره سی وکیل جانبندن استیناف اولنسی اوزرینه سبق ایدن محاكمه و تدقیقات استینافیه نتیجه سنده مظلون مرقوموندن قوسطواستناچه ولازویوان و دیگر استوریان ناچه وقوله دیمتری ومتره قولة حقیرنده بدایه محاكمه جریان ایتامش اولدیغندن استینافاً محاكمه لری غیر جائز اولسنه مبنی اولبابده کی استیناف استدعانامه سنك مرقوملره عائد قسمك ردینه ومانه پاوله واستوریان ناچه وطونه نام دیگری اندون پاوله و آنه استویان ولازو استویان وپانه پتره وداقچه ناعوم وقوسطوكوركی واستویانه وناعوم كوركی واستویچه اسمیلوف وولقو طوده واستویچه مطلقویه كلنجه؛ بر شخصك كندی ملكندن كوك چیقارمسی افعال ممنوعه دن غیر معدود اولغله برابر كوك چیقاریلان محلك میری اورمانی اولدیغنه دائر بر قید موجود اولدیغنی دخی اورمان اداره سی وکیلنك جمله افاده سندن بولندیغنی جهته وکیل مومی الیه جانبندن درمیان ایدیلان اعتراضات استینافیه اسباب فسحیدن معدود كوریلهمدیکی بیانیه ردیه موافق اصول وقانون اولان حكم ابتدائی مذ كور اعلامنك تصدیقنه قرار و برلیدیكنی متضمندر .

لایحه تمیزیه ده ؛ ممالك عثمانیه ده موجود اورمانلرك كافه سی میری اورمانی اولوب خلافت بر كسه نك تصرفی اولبابده کی تعلیمات مخصوصه سی موجبجه وقرا اهالیسنك انتفاعنه ترك وتخصیص اولنان اورمانلرك دخی بالطله نك نامیه تفریق ایدلمش اولدیغنی اثبات اولندقچه خصوصیتی میری به عائد اوله جنی احكام قانونیه دن اولدیغنی کی قرا اهالیسنه ترك ایدلمش نوعندن اولسه بیله بونده کی مقصد، انتفاعه عائد اولوب یوقسه كوتوك

چیقارمق صورتیه اورمانلرك تخربینه جوار قانونی اولدیغندن و بدایه مظلونلرك جمله سی حقنده اقامه دعوی ایدلمش ایكن استوریان ناچه وقسطی استناچه ولازو یوان وقوله دیمترینك اوغللری جلب ایدیلرك كندولری حقنده بر كونا قرار اتخاذ ایدلمش ایدوكندن محكمه استینافیه جه بوجبه تارك نظر دفته التمسین بروجیه محرر اتخاذ قرار ایدلمش اولمسی مغایر اصول وقانون ایدوكندن بختله اعلام استینافینك نقضی استدعا ایدلیدیکی کی تبليغنامه دخی؛ اشخاص مرقومه درجه اولی محكمه سنجه سبق ایدن استجوابلرنده ادعا اولنان محللر اساساً كندی تحت تصرفلرنده اولوب قرق سنه دنبرو زراعت ایتكده اولدقلرندن بالبحث حقیرنده جریان ایدن تعقیبات جزائیه قارشو مسئله مستأخره تشكیل ایدیه بیله جك تصرف ادعاسی درمیان ایش اولمیرینه وبالعوم اورمانلرك میری اورمانلرندن معدودی احكام عمومیه قانونیه اقتضاسندن اولوب بونك عكسکی اثبات جهت مخالفتی ادعا ایدنلره عائد اوله جنی طبیعی وشو حاله كوره مظلون مرقومونك كوتوك سوكدكلرینی اعتراف ایدللكاری محللره حقوك تصرفیه رینی اثبات ایتدكجه دعوی واقعه نك لزوم جریانی بدیهی وتعقیبات واقعه جزائیه دخی بو اساسه مبتنی بولنسنه كوره بو بابده كندیلرندن مقدمه بیله ابراز ایدیه بیللكاری تقدیرده تصرف مسئله سی مرجعجه حل ایتدیرلك اوزره دعوی جزائیه معروض بولنانلره تعیین مهلت اولنق لازمهدن ایكن محكمه مذ كوره جه اورمان اداره سی وکیل حقوق محكمه سنه مراجعت دعوت اولنهرق تعیین اولنان مهلت ظرفده اداره مذ كورنك حقوق محكمه سنه مراجعت ایتامسنه مستنداً محاكمه یه دوام اولنهرق مرقومونك تحت اعترافلرنده وقانوناً مستلزم مجازات بولنان فعل وحرکتلرندن طولانی برائتیرینه قرار ویرلمسی موجب فسخ واصلاح خطیئتن بولندیغنی حاله عندالاستیناف بو جهتك نظر دفته التماس اولمسی نقضی موجب اسبابدن اولوب لایحه تمیزیه مندرجاتی بو طریقله وارد وبجا كورلیدیکی بیانیه اعلام مذ كورك نقضی لزومی مرقم بولنمشدر .

ایجابی لدی المذاكره ؛ مندرجات اعلامدن مستبان اولدیغنی وجهله مظلون مانه پاوله ورفقاسی جانبندن تولا حاله افراغ ایدلك صورتیه تخریب ایدلیدیکی ادعا قلنان محلك میری اورمانی ایدوكندن بختله جزای نقدی طلبنه دائر اورمان وکیل جانبندن اقامه اولنان دعوی مثبت اولق اوزره برقطعه ضبط ورقه سی ابراز اولندیغنی کی بو ورقه زیرنده امضاسی بولنانلردن اورمان بكجیسی محمد ایله باقی بن ابراهیم دخی عندالمحاكمه شوبولده اخباراتده بولنش اولمیرینه قارشو محل مذ كورك باطاپو عهدیه تصرفلرنده اولدیغنی بولنده مظلونلر طرفندن درمیان ایدیلان مدافعه اوزرینه ایشده حادث اولان مسئله مستأخره نك مرجعه سوقی ضمننده مظلونلرك تمسك واستناد ایدللكاری سالف البیان طاپو سنداتی كندولرندن طلب ایدیلرك ابراز واثاره اولندیغنی تقدیرده امر تصرفه مدار احتجاج اولان سندات مذ كورنك ضبط ورقه سیله اخبارات واقعه یه بونقطه ده حائر رجحان اولسندن ناشی اورمان اداره سنك محكمه حقوقه سوقی وعكسی صورتده یعنی مظلونلرك مدافعات واقعه لرینك تنویر وتأيید ایدر مقدمه بیله ابرازندن اظهار عجز ایدللكاری وشو صروده طوغریدن

طوغری به محکمه مذکوریه مراجعتله برابر بویولده علم و خبرده کتور مدکلری حالده اداره مذکورہ نک اقامه ایلدیکی جزای نقدی دعواسنه دوام مقتضی بولنش و علی الخصوص بوقیل مسئله مستأخره طولایسیله مرجعه سوق کیفیت تقرر ایلدیکی تقدیرده ایشک جهت جزائیه سنک مرور زماندن قایه سی ضمنده مراجعتی ایجاب ایدن طرفه مهل مناسب اعطاسی اصول متخذ اقتضاسنجه امور لازمیدن کورنش ایکن درجه اولی محکمه سنجه صور محرریه توفیق معامله اولقمسزین مظلونلرک ادعای مجردینه بناء اورمان اداره سنک محکمه حقوقه مراجعت ایتسنک تحت قراره النسی و محل منازع فیهک میری اورمانی ایدوکنه دائر قیده دسترس اولنه مدیغنی تضمن ایدن اداره مذکور وکیلنک شو افاده سنک موکلی اولان اداره یه قارشو حائز تأثیر اولوب اولمادیغنی نظر دقته الخمسزین بوکا بناء مظلونلرک برائی جهت کیدلمسی کبی اصول وقانونه مغایرتی بدیهی اولان احوال دن طولای محکمه استینافیجه اولبابده کی اعلام ابتدائینک فسخیله کیفیتک مجرای قانونیسنه ارجاعی مقتضی اولدیغنی حالده اعلام مذکورک حاوی اولدیغنی برائت قرارینک موافقت قانونیسندن بالبحث تصدیق ایدلمسی یولسز و مستلزم نقض اسبابدن اولوب تبلیغنا ده محرر اولدیغنی وجهله لایحه تمیزیه محتویاتی بو صورتله وارد و بجا کورونمش ایدوکندن اصول محاکمات جزائیه قانوننک اوچیوز اون دردنجی و اوچیوز اون طقوزنجی مادهلری منظوقبجه مذکور اعلام استینافینک بوسبیدن طولای تقضیله احکام قانونیه داخلنده ایفای معامله اولنق اوزره اوراق دعوانک محکمه سنه اعاده سنه و ایکی یوز غروش اعلام خرجنک تعرفه و تعالیمات مخصوصه سنه توفیقاً ایلروده حقسنر چیقه حق طرفدن استیفا سنه ۷ کانون ثانی سنه ۳۲۵ تاریخنده متفقاً قرار ویرلدی .

« عن اصل تبعه عثمانیه دن ایکن بر اجنبی ایله تزوج ایتدکن صکره وفات ایتش بولنان بر قادینک تابعیت و میراث خصوصلرینه دائر اولوب الیوم مجلس خاص وکلاجه دردست تدقیق بولنان کیفیتک احاطه ایلدیکی مسائل متنوعه حقوقیه دائر عدلیه نظارت جلیه سنک حواله سی اوزرینه عدلیه مفتشی استانبولیان افندی طرفدن قلمه النوب، نظارت مشارالیهیه تقدیم ایدلمش اولان مطالعه نامه در »

نسوان عثمانیه نک اجنبی ایله و نسوان اجنبیه نک عثمانلی ایله ازدواجلری نتیجه سی اوله رق حصوله کلوب تابعیت ، میراث ، وصیت ، نسب ، نکاح و طلاق کبی « استاتو پرسر نهل » زمیننی تشکیل ایدن مسائلک حلی کرک مملکت مزده کرک ممالک اجنبیه ده پک چوق مشکلاته ، تطبیق ایدیله جک قانونلرک ، عادات و تعامللرک ، معاهداتک ویا حقوق دول خصوصیه قواعد اساسیه سنک کرک تعیننده کرک صور تطبیقنده عظیم اختلافلره و اکثریایکدیگرینه مبین معاملاتیه تصادف ایدیله کلکده اولدیغنی جمله جه معلومدر . ازدواجک ، تابعیت زوجیه تأثیر ایدر بر عقد اولدیغنی الیوم دول اجنبیه نک همان کافه سنده دخی قاعده

اساسیه اوله رق قبول ایدلمش اولوب صورت تطبیق ، فرانسه ده ۱۸۰۴ تاریخلی اسکی قانونک ۲۶ جزیران ۱۸۹۹ تاریخنده معدل ۱۲ و ۱۹ نجی ماده لرله ، انکلتزده ۱۲ مایس ۱۸۷۰ تاریخلی قانونک ۱۱ نجی ماده سنک برنجی فقره سیله ، اوستریاده ۲۴ مارت ۱۸۳۲ تاریخلی قانونک ۱۹ نجی ماده سیله و ۱۸۹۵ جزیران ۱۰ تاریخلی (ده قره) ایله ، روسیه ده ۶ مارت ۱۸۶۴ تاریخلی (اوقاز) ک ۱۵ و ۱۷ نجی ماده لرله ، المانیاده ۱۸۷۰ جزیران ۱۲ تاریخلی قانونک ۵ و ۶ نجی ماده لرله ، بلجیقاده ۱ اغستوس ۱۸۸۱ تاریخنده معدل قانون مدینک ۱۲ و ۱۹ نجی ماده لرله ، فلمنکده قانون مدینک ۹ و ۱۴ نجی ماده لرله ، ایتالیاده کذلک یکی قانونک ۹ و ۱۴ نجی ماده لرله ، یونانستانده قانون مدینک ۲۱ و ۲۵ نجی ماده لرله ، صریه ده قانون مدینک ۴۸ نجی ماده سیله ، بلغارستانده ۴ کانون اول ۱۹۰۳ تاریخلی تابعیت قانونیه . پورتوغالده قانون مدینک ۱۸ و ۲۰ نجی ماده لرله ، مجارستانده ۲۰ و ۲۴ کانون اول ۱۸۷۹ تاریخلی قانونلرک ۵ و ۳۴ نجی ماده لرله تقید و تقنین ایدلمشدر (۱) بولردن بعضیسی اجنبی زوجیه کی کندی تبعیتلرینه بلا شرط قبول ایدوب کندی تبعه لرندن بولنان زوجیه نک اجنبی تبعیتنه دخولنی شرط تقابله تعلیق ، بعضیسی هریکی جهته ده دخی شرط تقابل ارامق جهتنی ترجیح و بعضیسی ده هریکی جهتی بلا شرط قبول صورتی اختیار ایتشلردر .

بزده ازدواج نتیجه سی اوله رق زوجیه نک تبدیل تابعیتی خصوصی ۱۸۶۹ تاریخنده تابعیت عثمانیه قانونیه تقنین ایدلمشدر . فقط ناقص بر صورتده . قانون مذکور ، دیگر دول اجنبیه قانونلرنده اولدیغنی کبی بوباده طوغریدن طوغری به بر ماده صریحی حاوی اولمایوب ، یالکیز اجنبی ایله ازدواج ایدن عثمانلی قادینک ، زوجی تابعیتی ، اکتساب ایده جکی خصوصنک تعامل قدیم اولق اوزره قبول ایدلمش اولدیغنی ایما ایدر و قانون مذکورک یدنجی ماده سی دلالتیه استخراج ایدیلیر بر قیدی حاوی درکه هم اوروپاچه محکمه لرده بر آراق بعض ترددلردن صکره نهایت صریح بر قید قانونی اوله رق تلقی ایدلمش و همده شورای دولتک و مجلس وکلانک متعدد قرارلرله تأید و تقرر ایتمشدر (۲) . فقط بر چوق مسائلده محاکم شرعیه طرفندن بوکا مخالف حکملر ویرلمشدر .

دیگر طرفدن اجنبی قادینک عثمانلی ایله ازدواجی حالده عثمانلی تابعیتی احراز ایده جکی خصوصی ایسه محاکم شرعیه جه من القدیم قبول ایدلمش فقط تابعیت قانوننده مسکوت عنه بر اقیلمشدر و کرچه کرک شورای

(۱) ژاپونیا ده ، خصوص اوله رق شوال واردکه ، برانجی ، « خانه رئیس سی » بولنان بر ژاپونلی قادینه ازدواج ایدرده خانه سنه داخل اولورسه ، قادین زوجیه تبعاً اجنبی اوله رق یرده زوج ، زوجیه سنه تبعاً ژاپونلی اولور . فقط سائر حواله ژاپونلی زوجیه دخی زوجنک تبعیتی احراز ایدر (۱۸۹۹ مارت ۱۵ تاریخلی قانونک ۵ و ۱۸ نجی ماده لر) . (۲) مثلاً ؛ ۲۴ تموز ۱۲۹۱ تاریخلی امرنامه سیامی . ۲۶ مایس ۱۳۰۳ تاریخلی عدلیه نظارتک تحریرات عمومیه سی که شورای دول مضبوطه سیله مجلس وکلا قرارندن باحثدر . کذلک زوجیه تبعاً قادینک اجنبی اولمسی نظریه سی اهنده شورای دول قرارندن باحث عدلیه نظارتک ۱۰ نیسان ۱۳۰۹ تاریخلو تحریرات عمومیه سی .

دولتجه کرک مجلس وکلاجه مختلف زمانلرده متعدد قرارلر ایله بو اساس قبول و تأیید ایدلمش ایسه ده (۱) قانونک سکوتی حسبیه ممالک اجنبیه محکمه لرندن اکثریتی مقرراته ، تفسیراته ویا اجتهاداته اهمیت ویرمه رک عثمانلی ایله ازدواجک ، بر اجنبی قادینه عثمانلیق صفتنی احراز ایتدیرمسنی ترکیه قوانینی قبول ایتمشدیر دیو فرض ایدرک او بولده حکملر ویرمشلردر و بو یوزدن پک چوق حقوق ضایع اولمشدر (۲) .

احوال معروضه دن مستبان بیوریه جنی وجهله اک اول بر کره تابعیت عثمانیه قانونمیز تعدیل ایدیلرک ، ازدواجک قادین حقه ده کی تابعیت نقطه نظرندن تأثیری ایکی باشلو اوله رق صراحة تقييد و تقنين ايدملی و ۱۸۶۹ تاریخندن اول اجنبی ایله ازدواج ایدن نسوان عثمانینک ذاتاً بش التي سنه اقدم شورای دولت قراريله دفترخانه نظارتنه کوندریلان ۴ تشرین اول ۱۳۱۹ تاریخلی و ۲۹۲ نومرولی تذکره سامیه ده اتخاذ بیوریلان اصوله توفیقاً تابعیت عثمانیه لرینی محافظه ایتمش عد ایدلکلری تصریح اولملی که بوده حقوق دول قواعد صریحه سنه ده پک موافقدر زیرا قواعد مذکوریه بناء بر مملکتده بر خصوص حقه ده صراحت کافیه بی جامع قانون مخصوص بولمیدنی حالده اوممکتده جاری اولان قوانین عمومیه احکامی (Droit commun) تطبیق ایدیلیر ، بزده کی (درواقومون) ده احکام شرعیه اولدینی جهته ۱۸۶۹ تاریخندن اول قانونمیزک مسکوت بر اقدینی بوماده شرعاً حل ایدلمک اقتضا ایدر و شرعاً ده نسوان عثمانیه تأهل ایله تابعیت عثمانیه لرینی ضایع ایتمزلر . شو نظریه نیک نتیجه منطقیه سی اولق اوزره اجنبی بر قادینک عثمانلی ایله ازدواجی کندیسنه عثمانلیق صفتنی احراز ایتدیره جکنه دائر مادامکه الحاله هذه قوانین خصوصیه من سا کتدر مسئله شرعاً حل ایدیلرک اجنبی قادینک عثمانلیق احراز ایتمش عدایمک پک طبیعیدر و بوده حکم اعتباریه هم شرعاً موافقدر همه قوانین اجنبیه نیک همان عمومیتنه و حقوق دول قواعد خصوصیه سنه مطابق دوشر ذاتاً کرک شورای دولته متعدد قرارلری و کرک مملکتیزده جاری اولان تعامل دخی بو مرکزده در . انحقق بو حکمک قانون مخصوصه تصریح و تقييدی محاکم اجنبیه ده تقابلی قبول ایتدیرمک نقطه نظرندن الزم و لابددر .

(۱) مثلاً : خارجیه نظارتک روسیه سفارتنه ۲۳ اغستوس ۱۸۱۲ تاریخلی نوطه سی ، عین مألده ایتالیا و فلنک سفارتلرله ده ۱۸۷۳ ده مخبره جریان ایتدیکی (قلونه) نک ۱۹۰۱ سنه سی جلدینک ۹۴۰ نجی صحیفه سنه ده بیلدیریلور . شورای دولت قراری (۲۴ اغستوس ۱۳۰۸ تاریخلی مضبطه) . « سیره ی » مجموعه سنک ۱۸۹۵ سنه سی جلدینک ۱۴۵۰ نجی صحیفه سی .

(۲) مثلاً : اکس استیناف محکمه سنک ۱۴ کانون اول ۱۸۹۱ تاریخلی اعلامی . قلونه نک ۱۸۹۲ سنه سی جلدینک ۴۲۴ نجی صحیفه سی . مون په لیه محکمه سنک ۲۵ کانون ثانی ۱۸۹۵ تاریخلی اعلامی . (قلونه ۱۸۹۵ صحیفه ۶۱۸) . سن محکمه سنک (پارس) ۲۰ شباط ۱۸۹۳ تاریخلی اعلامی (قلونه ۱۸۹۳ صحیفه ۱۰۶۷) . بو اعلاملرک جمله سیده ، ازدواج نتیجه سیله عثمانلی اولدینی ادعا ایدلمش اولان فرانسز قادینلریک ، فرانسه قانون مدینسده شرط تقابل موجود اولسنه و قوانین عثمانیه ده ده معامله متقابله بی اثباته کافی صراحت بولنامسنه بناء کما فی السابق فرانسز قالمش اولدقلری حکمی حاویدر . کذلک ایتالیا محکمه لرده دخی عین حال جاری در . وتورن ، میلان محکمه لرندن واسکندریه ایتالیا قونسولاتوی محکمه سندن بو زمینه متعدد اعلاملر ویرمشلدر .

ازدواج یوزندن قادینلرک تابعیتنه عارض اولان تبدل شو صورتله تقييد و تقنين ايدلکدن صوکره برده بونک کرک شخص اوزرنده کرک اموال منقوله ویا غیر منقوله اوزرنده « استاتو پرسونل » زمینه داخل اولان مسائل نقطه نظرندن اجرا ایده جکی تأثیراتک هر بری آیری آیری تصریح و تقييد ايدلمک اقتضا ایدر .

بوراده بونلردن یالکتر میراث مسئله سنه حصر مطالعه ایدرک اک اول شو جهت خاطره تبادر ایدرک : توارثه قابلیت شرائطی ، ترکهنک صورت تقسیمی ، موانع ارث ، ورثه نیک تعیین و تصنیفی ، حصه لریک تحدید و تقریق هر دولته بشقه بشقه قانونلره و اکثریا یکدیگرندن پک چوق فرقی احکام و نظاماته تابع اولدیغندن بر یرده بر اجنبینک وفاتی و فوعنده ابتدا ارنیه جق جهت : هانکی قانون تطبیق ایدیلرک کی کیفیتدر . وفاتک و قوعبولدینی مملکت قانونی : متوفاتک تابع اولدینی دولته قانونی (Loi nationale) یعنی (قانون ملی) ؛ یوقسه ورثه دن هر برینک آیری آیری کندی قانونلری ؛ و بوقوانین متنوعه ارسنده اختلاف و قوعنده - نصل که چوق دفعه واقعدر - نه معامله ایدلمک و هانکی قانون ترجیح اولمق اقتضا ایدر ؛

زمانزده بر درجهیه قدر عمومیتنه جاری اولان اصول ، علی الخصوص فرانسه ده محکمه تمیزک ثابت قالدینی اجتهاد ؛ اموال منقوله حقه ده متوفاتک قانون ملیسنی ، اموال غیر منقوله حقه ده اموال مذکورهنک بولندینی مملکت قانونی (Lex Rei sitae) تطبیق ایتمک اصولدر . بوباده امثال اولق اوزره ارائه ایدیلرک کرک قرارلر شونلردر : فرانسه محکمه تمیزینک ۱۴ مارت ۱۸۳۷ تاریخلی اعلامی (Sirey) [۱۸۳۷ سنه سی جلدی ۱ جزو صحیفه ۱۹۵] . ۲۹۰ نیسان ۱۸۵۰ تاریخلی تمیز اعلامی Garette des Tribunaux غازه ت دوتریبونو نام فرانسز جریده محاکمک ۱ مایس ۱۸۵۰ تاریخلی نسخه سی . ۲۰ نیسان ۱۸۸۴ تاریخلی تمیز اعلامی Clunet ۱۸۸۵ صحیفه ۷۷ . ۱۱ شباط ۱۸۹۰ تاریخلی تمیز اعلامی Dalloz ۱۸۹۰ سنه سی جلدی برنجی قسم صحیفه ۱۵۳ . ۲۶ کانون ثانی ۱۸۹۰ تاریخلی اعلام Clunet ۱۸۹۲ سنه سی جلدی صحیفه ۲۸۹ . مع مافیه منتسبین حقوقدن پک چوقلری دخی « دیمولومب ، لوران ، رینو ، وایس کی » بو اصولک علینده درلر .

(Demolombe) برنجی جلد نومرو ۹۱ Aubry et Rau برنجی جلد . صحیفه ۸۵۸ . Laurent حقوق مدنی بین الدول (ایکنجی جلد صحیفه ۲۰۴) و التنجی جلد . صحیفه ۲۸۹ . Louis Renault ۷۴۲ . ۱۸۷۵ André Weiss, Clunet (حقوق خصوصیه دول) ایکنجی جلد . صحیفه ۶۸۳ ، و دردننجی جلد . صحیفه ۵۰۴ - ۵۲۵) .

بو مؤلفلرله برابر بعض یکی قانونلرده هر حال وکارده قانون ملینک تطبیق صورتیه تنظیم ایدمشلردر . (یعنی ایستر منقول وایستر غیر منقول اولسون) از جمله ایتالیا قانونی (ماده ۱۸) . اسپانیا قانونی (ماده ۱۰) ، ژاپون (ماده ۴) ، هر نه دخی اولسه اموال منقوله ده قانون ملی و اموال غیر منقوله ده قانون موقع یعنی Lex Reistal تطبیق ایدلمک اصولی ده ده زیاده موافق حکمت کوروندیکی و کرک ملاحظات سیاسیه نقطه سندن کرک حقوق دول قواعد عمومیه سنه توافقی جهته دن ده ده زیاده راجح کوریلرک اکثر مؤلفین بو رأیده

بولندقلری کبی محاکم اجنبیه دن پک چوققلریک اجتہادی ده - برآز اول اثبات ایدلیکی وجهله - بو مرکزده در . بزده دخی اولویتله بو اصول جاری اوله کلسدر . والحاصل شوراسی غیر منکردرکه بزده بر اجنبی وفات ایتدیکی زمان ترکسنگ اموال منقوله قسمنده ذاتاً عهد نامه لرله ده مقید بولندیغمز جهتله هیچ برمداخله مز واقع اولمز ایسه ده عهد نامه لر اولماسه ایدی بو زمینده تطبیق ایدیله جک ینه اجنبینک قانون ملیسی ایدی . انجق بو قانون ملی نی قونسولاتو محکمه لری تطبیق ایده جک یرده بزم محکمه لر مز تطبیق ایده جکدی . نصلکه دیار اجنبیه ده بر عثمانی حقنده کرک بو کبی احوالده کرک سائر « استانو پرسونل » مسائلنده مداخله ایدن اجنبی محکمه لریدر . فقط تطبیقنه مجبور اولدقلری قانون عثمانی قانونیدر . ممالک عثمانیه ده بولسان اموال غیر منقوله سی حقنده قوانین عثمانیه نک تطبیق ایدیله جکنده شبهه یوقدر . بو جهت ۷ صفر ۱۲۸۴ تاریخی تبعه اجنبیه نک استملاکنه دائر قانونمزک ایکنجی ماده سنده کی « املاک تصرف و انتقال و فراغ و استغالی حالاً جاری اولان و استقبلاً جریان ایده جک اولان قوانین و نظامات ضابطه و بلدییه اتباع ایده جک » سوزلریله دخی تأید ایتشد . کرچه قانونک بو صراحت کامله سی بعض طرفدن اره صیره اعتراضلره و بعضاً یا کلاش تفسیرلره اوغرامش ایسه ده اولبا بده کی پروتوقولی امضا ایتش اولان دولتلر ایچون اصلاً محل اعتراض یوقدر . حتی مشاهیر متسبین حقوقدن موسیو Feraud giraud « محاکم مختلطه » سرلوحه لی اثر کزیده سنده « ترکیده تصرف املاک ایده بیلیمک ایچون اجنبیلره الزام ایدلمش اولان شرائطک و خصوصیه محاکم عثمانیه صلاحیتک تمامیه قبول ایدلمش اولدیغی ایچون هیچ دکلسه فرانسه ایچون ۲۷ حزیران ۱۶۸۱ تاریخی (ده قره) نتیجه سنده هر درلو اعتراضدن وارسته در . بناء علیه قانون مذکور بزم ایچون لازم الاجرا و واجب الرعايه در « دیو بیان فکر ایتشدر ، (اثر مذکور صحیفه ۹۷) .

تفصیلات سالفه دن تظاهر ایتدیکی وجهله اموال غیر منقوله حقنده قوانین عثمانیه مز تطبیق خصوصنده سائر دولتلرک بو کبی احوالده کندی قانونلری تطبیق ایتکده حقلی اولدقلری کبی بزده تمامیه حقلی بز، انجق قوانین عثمانیه مزک هانکیسی ؛ احکام شرعیه نی می یوقسه احکام نظامیه نی می ؛ مشکلاکک الکی بیوکی بو نقطه ده ، مسئله نک اک مهم جهتیه ده بوراسیدر .

بو مشکل ظن عاجزانه مه کوره شو صورتله حل ایدیله بیلیر : براز اول تابعیتدن بحث اولندیغی صیراده درمیان ایدلیکی وجهله بزده « درواقومون » احکام شرعیه اولسنه کوره قانون مخصوصمز بولندیغی یرلرده احکام شرعیه نی و قانون مخصوصله تقید ایدلمش اولان خصوصاتده قانون مذکور تطبیق ایتک و بناء علیه اموال غیر منقوله دن اراضی امیرییه و موقوفه حقنده یعنی اجنبی عهده سنده بولسان او مللواراضینک انتقالی صیراسنده اراضی قانوننامه سی و صرف ملک ایله ملک حکمنده بولسان مقاطعه لی و قفلرک توارث و انتقالی خصوصنده فرائض احکامنه توفیق معامله ایتک اقتضا ایدر .

هر دولتک کندیسنه مخصوص و یکدیگرندن فرقلی قانونلری بولندیغی جهتله بر دولته مانع ارث اولان جهت دیگر بر دولته هیچ بر مانع تشکیل ایتماسی قابلدر . مثلاً بزده موانع ارث ، قتل ، رق ، اختلاف دین و اختلاف دار اولق اوزره درتدر . بولندرق و اختلاف دین ممالک اجنبیه ده مانع ارث دکلد .

اختلاف دار دخی فرانسه ده ۲۴ تموز ۱۸۱۹ تاریخی قانوندن برو مانع تشکیل ایتیموب آنجق فرانسرلره برابر بولنان اجنبی وارثلر اگر متوفانک اجنبی ملککنده متصرف اولدیغی اموال و املاک اوزرندن فرانسر وارثنک حصه سنه قوانین محلیه تأثیریه بر تقیصه ایراث ایتشدرسه بو تقیصه نک مقابلی فرانسه ده بولنان ترکدن فرانسر وارثلر منافعه اوله رق طوتیلوب اکمال ایدیلور . اوستریاده بر اجنبی بر اوستریالییه وارث اوله بیلیمک ایچون اجنبی کندی ملککنده اوستریالیلر حقنده مانع ارث بر قانون اولدیغی اثبات ایتسی لازم کلیر . ایتالیاده اجنبی ایله ایتالیالی آرمسنده وراثت خصوصنده هیچ بر فرق یوقدر . کذلک فرانسه ده مورث علیه افترا و یاخود مورثک قتلندن خبردار اولوبده کنیدیسی قاتلک اصول و فروغندن و یا قانوناً تحدید ایدلمش اولان اقاربندن اولمادیغی وسن رشده ده واصل اولمش بر وارث بولندیغی حالده کیفیت قتلی اخبار ایتیمک مانع ارث تشکیل ایدرکه بزده ودها پک چوق یرلرده بو احکام موجود دکلد . بناء علیه بزده ده مانع ارث تشکیل ایدن اختلاف دین و اختلاف دار کافه نتایجیه برابر مادامکه بزم قانون ملیمز احکامی بویله در ، یرلره اولدیغی کبی ایجاب ایدن موضعلرده اجنبیلرله تطبیقنده نه حقوق دول احکامنه نه ده معاهداته مخالف کله جک هیچ بر جهت اولدیغی کبی بزده وراثت عصمت و ولایت مستند اولوب استثنای صورتیه ذمیلره و متأملرله تشمیل ایدلمش بولندیغدن حریرله یعنی اجنبیلره قارشو اختلاف دارک جهت جامعه اولان اسلامیتله مجتمع اولدقلری احوالده مانع ارث تشکیل ایتسنده جای تعجب بر جهت یوقدر . آنجق یکدیگره تعاون و تناصر اوزرنده بولنان حکومت اجنبیه تبعه لری آرمسنده تطبیقندن صرف نظر ایدیله بیله جکی و مثلاً بر فرانسرذن ، بر روس ویا انگلیزک یاخود بر الماندن بر ایتالیالی ویا بر اوستریالینک توارث ایده بیلیمسی بعض فقهاجه جائز کورلیدیکی و میل حقوقی دخی بومرکزده بولندیغی حالده محاکم شرعیه اکثریا بوجهته دخی اختلاف داری تطبیق ایتکده در .

اختلاف دارک بر عثمانی ترکسنده اجانبه قارشو تطبیق خصوصنده ایسه ذره قدر ترده محل یوقدر . زیرا بونده کرک احکام شرعیه کرک قوانین خصوصیه مز متفقدر . اراضی قانوننامه سنک یوزاونجی ماده سنده تبعه دولت علیه دن اولان کیمسه نک اراضی تبعه اجنبیه دن اولان اصحاب حق انتقاله انتقال ایده میه جکی صراحة ذکر ایدلشدر . کرچه اجنبیلرک استملاکنه دائر ۷ صفر ۱۲۸۴ تاریخی قانونک نشریه اندن مقدم تاریخی بولسان اراضی قانوننک ماده مذکورده سی منفسخ عد ایدلمک لازم کله جکده دائر اول و آخر بعض ادعا و اعتراضلر درمیان ایدلمش ایسه ده ماده مذکورده احکام شرعییه مستند اولدیغی کبی ۱۲۸۴ قانوننک یکانه مقصدی اوتاریخیه قدر ممالک عثمانیه ده املاک ایدینک حقندن محروم اولان اجنبیلره موقع اعتباریه بعض استثنای قیدیه بو حق بخش ایتکدن عبارت اولوب بونده توارث و انتقال خصوصلرله دولتک احکام قانونیه سی تغیر و تبدیل کبی بر نتیجه چیقاریله میه جکی و ذاتاً قانون مذکورک ایکنجی ماده سنده فراغ ایله برابر انتقال خصوصنک دخی قوانین و نظامات عثمانیه تبعه اوله جکی تقید ایداش اولسنه بناء

بوابده كرك شوراي دولتك ١٠ نيسان ١٣٠٠ تاريخي مضطه سيله ويرديكي قرار كبي تفسيرلر كرك بعض مؤلفلر ١٢٨٤ قانونيله اجنيلره قارشى اختلاف دار مانعه سنك كويا زائل اولمش عد ايديله جكنه دائر ذهابلري وياخود اوستريانك ٢٢ كانون اول ١٧٧٥ و ٣ كانون ثاني ١٧٧٦ تاريخي ايكي قانوننك اوستريا ممالكينده عثمانيلر ك تدبير متقابل اولمق اوزره اوستريالى وراثتدن محروميته دائر اتخاذايتمش اولدينى اصولك مذكور ١٢٨٤ تاريخي قانوننك نشري اوزرينه ترك وفسخ ايدلمش عد ايديله جكنه دائر ويانه محكمه تميزينك ٢٤ كانون ثاني ١٨٨١ و ١٠ تشرين ثاني ١٨٧٤ تاريخي ايكي اعلامى مدلولندن استخراج ايديلان تيجهلر طوغرى اوله ميوب كيفيت بزده دستور ك دردنجي جلدينك ٤١٧ نجى صحيفه سنده مندرج تد كره ساميه ايله تماماً و غايت محق اوله رق حل ايدلمش و بناء عليه اجنيلر ك استملاك مساعده سنه نائل اولملري بر عثمانيلدن توارث حقنه ده نائيلتيرنى ايجاب ايتيرمه جيكي دركار بولمشد. عثمانينك اجنبي تركه سندن حق انتقال و توارثي جهته كلنجه ؛ اختلاف دارك اجنبيدن عثمانلي به قارشو شرعاً مانع تشكيل ايتديكي كبي اراضى قانوننده بوابده هيچ بر قيد بولنامسى احكام شرعيه نك كما كان محافظه سى فكريه مستند اوله جغه شبه ايديله مز. بعض مؤلفلر قانونك بوسكو تى ، اراضى قانونى نشر ايدليكى زمان يعنى ١٢٧٤ تاريخنده استملاك قانونى موجود بولنامسنة و بناء عليه واضع قانونك اجنيلر عهده سنده املاك بولمسي احتمالي تصور ايدم ماش اولمسنه حمل ايدبورلر سده قانون مذكور ك ذاتاً ١٢٧٦ ، ١٢٨٧ ، ١٢٩١ و ١٢٩٢ تاريخلر نده متعدد تعديللر كورم سندن قطع النظر ٢٥ ربيع الاخر ٣٠٠ تاريخنده نشر ايديلان قانونك برنجى ماده سى مؤدا سنه و اوچنجى ماده سنده دخى اراضى قانوننك مذكور يوز اونجى ماده سنك موضوع بحث اولمسنه و بالكلر يوز اون برنجى ماده سنك تعديل ايدلمش بولمسنه كوره واضع قانونك مؤخر تاريخلر نده دخى بومسئله ايله اوغراشمش و فقط اعتراض ايديلان نقطه يى على حاله بر اقمى جهتنى ترجيح ايتمش اولديغنه يعنى اجنبيدن عثمانلي به قارشو اختلاف دارى قبول ايتديكنه بلا تردد حكم ويريله بيلير . شو حالده كرك قوانين عموميه مز كرك قوانين خصوصيه مز اختلاف دارى عثمانيلدن اجنبي به قارشو تطبيقده متفق اولدينى كبي اجنبيدن عثمانلي به قارشو عدم تطبيقده دخى متفق رلر . افتراقلى يالكلر مختلف دول متحابه تبعه سندن بولنان اجنيلر بيننده يكلديكرينه قارشو تطبيقى خصوصنده دركه بوندن ده يوقاروده بحث ايدلى .

موانع ارث مسئله سنه دائر بوقدر حق ايضاحاتى كافى عد ايدرك تركه نك صورت تقسيمى ، ورثه نك تفريق و تصنيف و حصه لرك تعيين جهتنده تطبيق ايديله جك قوانين و نسوان عثمانيه ويا اجنبيه نك تابعيتلرينه ازدواج تيجه سنده عارض اوله جق تبدلات خصوصنه دائر سالف العرض احكام وقواعدايله تركيب و تمزيج ايدل كده مسئله شو صورته تلخيص ايديله بيلير :

اولاً ، عثمانلى تركه سى عثمانلى وارثلر .

(عثمانلى ايله عقد ازدواج ايتمش اولان نسوان اجنبیه دخى - ازدواج هانكى تاريخده واقع اولمش ايسه

اولسون - عثمانلى اعتبار ايدلك صورتيله) عثمانلى وارثلري ايچون اموال منقوله و صرف ملك ايله مقاطعه لى و قفلر حقنده فرائض احكامى . اراضى اميريه ايله اراضى موقوفه حقنده ، اراضى قانوننك ١٧ محرم ١٢٨٤ تاريخنده معدل اللى دردنجى ماده سى . و توسيع انتقالى اجرا ايدلمش اجارتيه ايله مسققات حقنده دخى ٢٥ ربيع الاخر ٣٠٠ تاريخى قانون مؤداسيله بالتركيب ١٧ محرم ١٢٨٤ تاريخى قانون احكامى .

ثانياً : عثمانلى تركه سى اجنبى وارثلر .

اجنيلره قارشو تركه منقول ويا غير منقول هر هانكى نوعدن اولورسه اولسون ، اختلاف دار . تركه حقنده دخى اموالك نوعه كوره محلول معامله سى .

ثالثاً : عثمانلى تركه سى عثمانلى واجنبى قاريشيق وارثلر .

اجنيلره قارشو اختلاف دار ، عثمانليلر حقنده برنجى شق معامله سى .

رابعاً : اجنبى تركه سى عثمانلى وارثلر .

(تابعيت قانوننك نشرندن مقدم ازدواج ايتمش اولان نسوان عثمانيه صراحة مغايرى ثابت اولمديقه ويا بشقه صورته تبدل تابعيت واقع اولمديقه عثمانلى اعتبار ايدلك صورتيله) . تركه هر هانكى نوع مالدن مركب اولورسه اولسون اختلاف دار يوق . فقط اموال منقوله حقنده اجنبنك قانون مليسى - بناء عليه بوقانون مى ، عثمانلى يى محروم ايدبورسه بالطبع موافقت - . اموال غير منقوله حقنده قوانين عثمانيه صرف ملك ايچون احكام فرائض . اراضى موقوفه و اميريه ايچون اراضى قانونى و اجارتيلى وقف ايچون ده ١٧ محرم ١٢٨٤ تاريخى قانون .

خامساً : اجنبى تركه سى اجنبى وارثلر .

اموال منقوله حقنده مداخله يوق ، اموال غير منقوله نك دفتر خانه جه معاملاتى صيراسنده ينه صرف ملك حقنده فرائض احكامنه ، اراضى و اجارتيلى اوقاف حقنده قوانين مخصوصه يه توفيق حركت . حتى اجنبى وارثلر ك جمله سى ده مورث ايله عين تابعيته اولمايونده يكلديكرينه تعاون و تناصر اوزرنده بولنان حكومات اجنبيه تبعه لرندن بيله ايشه لر اره لر نده بر برلرينه قارشو اختلاف دار يوق .

سادساً : اجنبى تركه سى و عثمانلى ايله قاريشيق اجنبى وارثلر .

اجنيلره قارشو اختلاف دار ذاتاً اوله مي جغندن و عثمانليلره قارشوده اجنبى طرفندن اختلاف دار درميان ايديله مي جگندن اموال منقوله حقنده (اجنبنك قانون مليسى مساعدا اولمق شرطيله) : اموال غير منقوله حقنده ، ايستر مساعدا اولسون ايستر اولسون قانون موقع تطبيق ايديله جكي حسبيله ، عثمانلى ايله اجنبى عين زمانده مشترك وارث اولور و تركه نك بينلر نده تقسيمى اموال منقوله ايچون متوفانك قانون مليسى ايله و اموال غير منقوله ايچون ده يرلى واجنبى هر صنف ورثيه شامل اولمق اوزره ملك ايسه فرائض احكامى ، اراضى و اجارتيلى ايسه سالف الذكر قوانين مخصوصه ايله اجرا ايديلير .

نتیجه

شو صورتله اولدقجه مفصل فقط غایت مستعجل برطرزده اجرا ایدیلان تدقیقات و تبعات عاجزانهم ايله بونلردن استخراج ایدیلان نظریات مسروده یی الیوم موقع مذاکرهده بولنان کیفیته تطبیق ایتک لازم کلدکده منبوره تابعیت عثمانیه قانونک نشرندن مقدم تاهل ایتمشده اجنبی صفتی احراز ایچون بشقه کونه برمعامله رسمیهده بولنمیش ایسه اعتراض ایدیلن اعلام - زوجی محروم ایتک جهتندن - طوغری اولوب سفارتک اولبادهکی اعتراضاته قطعاً محل اولمیه جنی فقط قانون مذکورک نشرندن صوکره تاهل ایتمش ایسه اجنبی اولمش اولمسی حسیله ترکه سینه اجنبی ترکه سی معامله سی اجرا ایدیلوب اموال منقوله سی قانون ملیسنه توفیقاً تقسیم ایدلمک و اموال غیر منقوله سندن صرف ملک اولان خانه سینه فرائض احکامی تطبیق ایدیلهرک اجنبیدن اجنبیه واجنبیدن عثمانلییه قارشو اختلاف دار جائز اولمیه جغندن برادر و همشیره لریله بالاشترک زوج دخی وارث اولقله کندوسینه نصف ویریلوب متباقیمی اخ ايله اخوان لهما بیننده ایکیلی برلی تقسیم ایدلمسی و اراضی امیریهدن اولان باغ ايله زیتونلک حقنده ایسه اراضی قانونک یوز اونجی ماده سینه بناء اختلاف دار یالکزر عثمانلیدن اجنبیه قارشو اولوب واجنبیدن اجنبیه واجنبیدن عثمانلییه قارشو وارد اولمیدندن کذلک اجنبی زوج ايله برابر عثمانلیر مشترکاً حق انتقاله صاحب اولمیرله قانون مذکورک الی دردنجی ماده سی و ۱۷ محرم ۱۲۸۶ تاریخی قانونک برنجی و ایکنجی ماده لری احکامنه توفیقاً زوج برربع اولوب متباقیسنک برادرلر بیننده تقسیم ایدلمسی و همشیره لره کلنجه بونلر اموال منقوله و املاک صرفهده برادرلر ايله برابر عصبه اولوب عینی درجهده بولنهرق ثلثان و ثلث اعتباریله و اجاریتلی مسقاتده مساواة حصه دار اولورلرسدهده اراضی امیرییه و موقوفهده برادرلردن صوکره کی درجه یی تشکیل ایلدک لری جهته انلرک وجودیله حق انتقالدن ساقط اولمیرینه مبنی بالطبع بوراده حصه یاب اوله ماملری اقتضا ایدر .

عدلیه مفتی

آ. استانبولیان



قانون غیر منقوله

سائل فقهیه

جريدة عدلیه نك ۱۷ كانون ثانی سنه ۳۲۵ تاریخی نسخه سنده مجله حکمنجه اوچ کشی بیننده مشترک اولان عقارده برینک حصه سی نصف ، دیگر ایکی کشیدن هر برینک حصه لری بر ربع اولوبده مناصفة قابل قسمت و فقط ارباعاً تقسیم غیر ممکن اولدیغی تقدیرده عقار مذکور نصف حصه صاحبک طلیله جبراً تقسیم ایدیلور . لکن ربع صاحبلردن هانکی بری طلب ایدر ایسه تقسیم اولنهماز . اما بویکی ربع صاحب لری برلشوبده نصف صاحبندن عقارک مناصفة تقسیم یعنی نصف حصه ک مشارک لری بولنان ذواته و دیگر نصفنک دخی کندیلرینه اعطاسنی طلب و ادعا ایتسهر نصف حصه صاحبک قسمته جبر یعنی عقار مذکور قضاء تقسیم اولنوب اولمیه جنی حقنده رفیق محترم علی حیدر افندی حضرتلری طرفندن ایرادیوریان سؤالک اهمیتنه بناء جوابنک تحریسنه مسارعت ایتدم ایسهده نزد عاجزانهمده و اسعد افندی کتبخانه سنده بولنان کتب فقهیه حنفیهده مسئله نك عینه ظفر یاب اولمدم . فقط مقایسه طریقه مسئله نك حلنه کفایت ایده جک نقلره تصادف ایتدم . از جمله ابن عابدینک کتاب قسمتنده (لایقسم بطلب ذی القلیل الذی لاینتفع اذا ابی المنتفع و وجهه کافی الهدایه ان الاول منتفع فاعتبر طلبه والثانی متعنت فلم یعتبر) بونک معنای بوجه آتیدر : بر عقار تقسیم اولدیغی تقدیرده آندن انتفاع ایتسی ممکن اولان کسینه تقسیمدن امتناع ایتدیکی صورتده آندن انتفاع ممکن اولمیه جق درجهده حصه سی قلیل اولان کسینه ک طلیله عقار مذکور تقسیم اولنهماز . کافی الهدایه صاحبی بونی برنجیسی منتفع اولدیغی ایچون طلبی مقبول و معتبردر . ایکنجیسی متعنت یعنی بلا فائده خصمنک ذلتی ایتدیکی ایچون طلبی معتبر دکلدردیو توجیه ایدیلور . امدی بو خصوصده تقسیم ادعاسنک قبولنه مانع اولان شی تعنت اولدیغی آکلاشیلیور . بناء علیه مانع زائل اولدقده ممنوع عودت ایدر قاعده سینه نظراً تعنتک مرتفع اولدیغی احوالده بو مثلاًو تقسیم دعواسنک مسموع اوله جنی درکاردر . بونی کتب فقهیه شافعیهدن حاشیه یجورینک احکام قسمته دائر اولان کتابنده مذکور اولوب اشبو مسئلهیه مشابهت تامه سی اولان دیگر بر مسئله ايله تأیید ایتک ایتدم . امام یجوری دیورکه :

(واذدعى احد الشريكين شريكه الى قسمة مالا ضرر فيه لزم الشريك الاخر اجابته والمراد لا ضرر فيه على طالب القسمة ولو كان فيه ضرر على المطلوب للقسمة فلو كان لاحد الشريكين عشر دار لا يصلح للسكنى والباقي الاخر يصلح لها ولو بضم ما يملكه بجواره ولو باحياء موات بجنبه اجر صاحب العشر على القسمة بطلب الاخر وان تضرر صاحب العشر لان ضرره انما جاء من قلة نصيب لا عكسه فلا يجبر الاخر بطلب صاحب العشر لانه تمتعت في طلبه فلا اعتبار به فان كان العشر يصلح للسكنى ولو بضم ما يملكه بجواره ولو باحياء موات بجنبه اجر الاخر بطلب صاحب العشر لعدم التمتع حينئذ [معناسى ايكى شريكدن برى ديكرندن تفر يقنده ضرر اولميان بر شينك تقسيمنى دعوى ايتديكى تقديرده شريك آخرك بوطلي قبول ايتسمى لازمك لور. تفر يقنده ضرر اولميان تعبيريله طالب قسمته ضررى اولميان شى مراد اولنور. يوقسه قسمت دعواسنده مدعى عليه اولان كمسنهك ضررى نظر اعتبارده آلتماز. امدى ايكى شريكلردن برى بر خانهك قابل سكنى اولميان عشرينه وديكرى دخى خانه مذكورك جوارنده مالك وياخود احياء موات ايله مذكور خانهك يانى باشنده متصرف اولدينى عقارك ضم والحاقيه قابل سكنى اولان متباقيسنه مالك اولسه صاحب عشر تقسيمدن ضرر ديده اولدينى صورتده بيله ديكر شريكك طلييله قسمته جبر اولنور. چونكه آنك ضررى حصه سنك آزلغندن نشأت ايتكمده در. فقط بونك عكسى جائز اولمز. بناءً عليه صاحب عشرك طلييله ديكر شريك قسمته مجبور ايدلر. چونكه شريك طلييله تمتعت اولغله آنك ادعاسنه اعتبار اولمز. بناءً عليه صاحب عشرك طلييله ديكر شريك قسمته مجبور ايدلر. چونكه شريك ديكر طلييله تمتعت اولغله آنك ادعاسنه اعتبار اولمز. اما عشر مذكور صاحبك اوجوارده مالك اولدينى وياخود آنك يانى باشنده احياء موات طريقيه متصرف اولدينى عقارك ضم والحاقيه قابل سكنى برحاله كلور ايسه بوتقديرجه تعنت بولنمديغندن آنك طلييله شريك ديكر قسمته جبر اولنور ديمكدر. اشبو مسئلهده قابل سكنى اولميان عشر حصه جوارنده وياخود يانى باشنده واقع بر عقارك ضم والحاقيه قابل سكنى برحاله كلديكى تقديرده ديكر شريك قسمته جبر اولنمجه، يعنى مانع زائل اولدينى تقديرده ممنوع عوت ايدنجه، آبرى آبرى انتفاعه صالح اولميان ايكى ربع صاحبلى اتفاق ايدرك انتفاع ممكن اولدينى صورتده دخى تعنت زائل اوله جفندن تقسيم ادعالى مسموع اولمق لازمك لور. بعضاً دعوالرى مردود ايكى كمسنهك اجتماعندن مقبول ومسموع بر دعوى ميدانه كلمى قواعد شرعيه به منافى دكلدر. بونى اثبات ضمننده سؤالك موضوعى اولان عين مسئله يى ناطق اوله رق كتب فقهيته شافعيه دن «تحفة المحتاج بشرح المنهاج» نام اثر بر كنز يدهك كتاب القسمته مذكور اولان نقل آتى يى ارائه ايتكم كفايت ايدر. مذكور تحفة المحتاج صاحبى بيور يوركه: [وفى الروضة واصلها وغيرها لو كان نصف الدار لواحد والاخر الخمسة اجيب الاول وحينئذ فلكل من الخمسة القسمة تبعاً له وان كان العشر الذى لكل منهم لا يصلح مكنساً له لان فى القسمة فائدة لبعض الشركاء ولو بقى حق الخمسة مشاعاً لم يجب احدهم للقسمة لانها تضر الجميع وان طلب اولاً الخمسة افراز نصيبهم مشاعاً او كانت الدار لعشرة فطلب خمسة منهم افراز نصيبهم مشاعاً اجيبوا لانهم يتفقون بنصيبهم كما كانوا يتفقون به قبل القسمة] اشبو نقلك مضمونى

شودر: روضهده واصلنده وبونلردن ماعدا كتابلرده مذكور اولدينى اوزره بر خانهك نصفى بر آدمك وديكر نصفى بش كشينك اولدينى تقديرده برنجينك تقسيم طلبى قبول اولنور. وبوصورتده بش كشيدن هر برينك مالك اولدينى عشر كنديلر ايجون مسكن اولغله صالح اولسه بيله آنلردن هر برى برنجى به تبعاً تقسيم طلبنه صلاحيتدار اولور. چونكه بوتقسيمده شركادن بعضيسنك فائده منى واردر. اما اوبش كشينك حقى مشاع اوله رق قالمش اولدينى تقديرده هيچ برينك تقسيم ادعاسى مسموع اولمز. زيرا بوصورتده تقسيم جهلسى حقندهده مضردر. اكر اولاً بش كشى مشاع اولان حصه لرينك افرازينى دعوى ايدرلر وياخود خانه مذكور اون كشى ييننده مشترك اولوبده بونلردن بشى مشاع اولان حصه لرينك افرازينى دعوى ايدرلر ايسه بونلرك طلب ودعواسى مسموع اولور. چونكه بونلر بوصورتده قبل التقسيم انتفاع ايتدكلرى وجهله حصه لريله انتفاعده دوام ايده بيلورلر. ايشته كوريلوركه بش حصه دار اتفاق ايتدكلرى حالده تعنت بولنمامله تقسيم دعواسى مسموع اوليور. على حيدر افندى حضرتلرينك تصوير ايتدكلرى مسئلهدهكى ربع حصه لره مالك اولان ايكى شريكك حال و موقعى شو مسئلهدهكى بش شريكك حال و موقعه نمائل اولدينى محتاج ايضاح دكلدر ظن ايدر. كتب شافعيه دن نقل ايتديكم شوايكى مسئلهك اصول حقيقيه به مخالفى اولمدينى ده بشقه جه شايان تدكاردر.

۲۶ كانون ثانى سنه ۱۳۲۵

محكمة تميز جزا دائره سى
رئيسى

عثمان

حقوق عاديه

«حجز احتياطى وضع ايتكم اوزره قانوناً كفالت قويه ارائه ايدمىان حاجزك ثروت نقيديه سندن قراره اقتران ايدمىك مقدار مبلغى محكمه وزنه سنه توديع ايلديكى تقديرده حجزك اجراسى جائز اولوب اولميه جنى استفسارينه دائر نوره قوپ قضاسى دعوى و كيللرندن محمد جلال الدين افندى طرفندن كوندريلان ورقيه جوابدر»

كفالت ، تأمينات

مطلوباتك تأمينى ايكى صورتله ممكن اوله بيلور. كفالت ماليه، ترهين اموال مملوكه.

کفالت مالیه نك سختنده مكفول به معلوم اولمق شرط اولدیغی کی ذمت مكفول عهده بالفعل مترتب اولماسی دخی امر لازم دکلدر.

نته کیم کفالتك منجز اولماسی دخی شرط دکلدر. شرطه معلق وزمان آتی به مضاف اوله رق دخی کفالت جائز اولور.

ترهین امواله کنبجه، مرهونك مقابلی اولان حق هم مال همده بنفسه مضمون اولمق صحت رهنده شرطدر. بناءً علیه مستقبليه ذمت مدیونه ترتب ایده جك اموال مقابلنده ترهین جائز دکلدر. زیرا رهن استیفا ایچون مشروع قلنمش و قبل الوجوب استیفا ایسه غیر ممکن بولنمشدر. و چونکه رهن حکماً استیفا در. قبل الثبوت حقیقه استیفا ممکن اولامیه جنی کی حکماً استیفا دخی قابل اولاماز. حالوکه کفالت التزام مطالبه دن عبارتدر. اصل دینی التزام دکلدر.

بوفرق و حکمته منیدر که فلانده ثابت اولاجق الاجغه کفالت جائز ایکن فلانده ثابت اولاجق الاجغه مقابل رهن صحیح دکلدر.

کفیل اولاجق ذات کفالت ایتمکه اجبار اولته میه جنی کی مکفول عنه اولان طرفك دخی اعطای کفیله مجبوریق قانونیه سی یوقدر. فقط بوایکنجی ضابطه دن بعض مسائل قانونیه استثنا ایدلمیدر.

اولا مجله نك ۱۸۷ ماده سی موجنبجه شو آدمی کفیل ویرمك شرطیه برمال صاتلدقده مشتری شرطنه رعایه کفیل ویره جکدر.

ثانیاً مجله نك ۶۵۶ ماده سی وجهله مؤجلاً مدیون اولان قبل حلول الاجل آخر دیاره کیده جك اولوبده داینی حاکمه بالمراجعه آندن کفیل ایسته دکده کفیل ویرمکه مجبوردر.

ثالثاً اصول محاکمه نك ۳۳ و ۲۷۲ ماده لری موجنبجه مدیونك اموالی اوزرینه حجز احتیاطی وضع ایتمك ایستیان کیمسه کفالت، یا تأمینات قویه کوسترمکه مجبوردر.

رابعاً تعیین اقامتکاهدن استنکاف ایدوبده فراری ملحوظ بولنان مدعی علیه اصول محاکمه نك ۵۲ نجی ماه سی وجهله کفیل ارائه ایتمك ایجاب ایدر. فقط بومعامله موافق عدالت اولدیغی کی مدعینك تأمین حقوقنه دخی خادم دکلسه ده بونك تشریحاتدن صرف نظر ایلدک.

خامساً سندك ساخته اولدیغی ادعا ایدن طرف اصول محاکمه نك ۵۶ ماده سنه توفیقاً کفیل ویرمك لازم کلور.

سادساً اجرای موقت قراری ویریلان خصوصاً صاده اصول محاکمه نك ۱۳۰ ماده سی موجنبجه محکوم لهدن کفیل یا تأمینات قویه آلنور.

سابعاً اصول محاکمه نك ۲۲۲ ماده سی وجهله تمیز دعوی ایدن طرفدن کفالت سندی اخذ اولنور ثامناً تمیز دعوی ایدن طرف اعلامك حکمنك اجراسنی تأخیر ایتدیرمك ایستر ایسه اصول محاکمه نك

۳۲۵ نجی ماده سی موجنبجه کفالت قویه کوسترمکه یا خود محکوم به اولان نقود و اشیای بر موقع رسمی به دیپوزیتو ایتمکه یا خود اموالک حجز اولنمش اولدیغی اثباته مجبوردر.

سالف الذکر مسائله کفالت مالیه جائز و صحیح اولدیغی جای اشتباه دکلدر.

امدی حجز احتیاطی وضعندن مقدم کفالت ایدن کیمسه هنوز بر ذمته کفیل اولیور. مکفول عنه اولمی لازم کلان حاجزك ذمتنده محجوز علیه ایچون برحق حالاً ثابت اولمامشدر. فقط آتیله ثابت اولمی ممکندر. صحت کفالتده سبب دینك ثبوتی کافی، بالفعل وجود دین غیر لازمدر.

بوصورتده کفیل، حاجز حقسنر چیقار ایسه ضامن دیخه کفالت لازماً منعقد و ضرر ك مستقبليه ترتبی تقدیرنده کفیل مسؤل و ضامندر.

اما بومسئله ده ترهین اموال، قانون مدنی موجنبجه جائز دکلدر.

فقط اصول محاکمه نك ۲۳ نجی ماده سننده « مدعی علیه ترتب ایده جك ضرر و زیانك تضمینی ضمننده مدعیدن کفالت یا تأمینات قویه آلدقندن صکره » تعبیری مندرج اولدیغنه و صورت تحریره کوره تأمینات کفالتك غیری اولوب ایکنجیسی اولکیسنی مفسر اوله میه جعنه مبنی مجرد تأمینات قویه ایله وضع حجزك جوازنده اشتباه جائز دکلدر.

بوتأمیناته — بالاده ایضاح ایتدیکمز وجهله — رهن نامی ویریله مز. حجز اوله جق اموالک اهمیتنه کوره بوتأمینات، محجوز علیهمك ضرر و زیانی ایچون محکمه نك تقدیر ایده جکی مقدار اموالک موقع رسمی به وضع ایدلمسندن عبارتدر.

علی حیدر

علانیت محاکمه

(علانیت محاکمه) هرملته هرملکتنده محاکمك دستور عدالت نشوریدر که قانونك حسن جریانی تأمین ایدن معاملات و محاکماتك درجانی بتون صفحاتی و حق وعدلك تجسم ایدن ایجاباتی و عدالت قانونیه نك حکماً تأثیراتی کوستر.

آثار جرمیه نك تحری و جمع و ضبطیه دلائل و بیناتك صر سیله صورت ترتیب و تنظیمی ارائه ایدن بو مناظر علنیه نك متسلسلاً گذرانندن میدان اوله نتیجه لر چیقارده ظن اولنور که ظلام ظلال ریب و کن ایچنده نهان اولان سرائر وقایعك تصادمندن اطرافه طاغیلان ابر کثیفك متفرق پارچه لری صیره رق جولان ایدن حقیقت شراره لری کوزلره چارپار، قاشدیرر.

بونك ایچون (علانیت محاکمه) هریرده قوه عدلیه نك معیار الانتظام ترقی و تکمیلی عد اولنمشدر.

تاریخ عدلیه اوروپا ادوار متحولہ سنک صفحہ نظریاتی تشکیل ایدن شئون مختلفہ سنده (علانیہ محاکمہ) قضیہ سی نہ بیوک جریانلرہ او عرامش ! نہ مشکل نمون ، غرات افزون دورہلر کچر مشدر ! معلومدر کہ بین البشر کرک مواد حقوقیہ و کرک دعای جزائیہیہ عائد مطالبہ افراد جمعیت کندی کنڈیلرینہ احقاق حق صلاحیتندن محروم ایدلمشدر . نیچون ؟ حال تہیرہ انسان یا کندی حقسنزلغنی طانیہ میہرق و یا خود حقنی حد طبیعیسنک خار جندہ بیوک و مستعجل الاستحصال کورہرک ایقاع تہیدہ قدر واریر . بناءً علیہ اصحاب دعاوینک ایکسندہ مقابل اولہرق بالکلیہ بی طرف بولنہجق بر قوہ عدلیہیہ لزوم کورلمش و احقاق حق صلاحیتی او ہیئت عدلیہیہ ویرلمشدر . پکدہ اصابت ایدلمشدر . بناءً علیہ برمدعی خصمنک رضا و موافقتی اولقسزین کندی کندیستحصال حقوق و استیفای مطلوب ایتک اقتدارینی حائز دکلدر . شو قوہ عدلیہ حکومتلرہ عائد حقوق اساسیہدن و حق قضائک استعمالی دخی محاکمہ تودیع اولنان وظائف مهمہدندر .

هر مدعینک محکمہیہ مراجعت مجبورتندہ بولنمی اصول محاسن شمولی ، ہریرہ ہیئت بشریہنک مدار قوام و بقای و سرمایہ یکانہ انتظام و ترقیسی اولان قواعد اساسیہدن اولمق اوزرہ طائمشدر . مواد جزائیہ مدافعات قانونیہنک صورت سرد و استعمالی بر زمانلر اوروپا دولتلرنجہ علنی و سر بست بر طرز واسلوبہ النمش ایکن صکرہلری بعض قیود احترازیہ ایلہ تحدید و صورت خفیہدہ اجراسی تسبیب ایدلمشیدی . مؤخرأً مواجہہ طرفین ایلہ صورت علنیہنک تکرار جریانی قاعدہسی اتخاذ اولنمشدر . بینات بحثہ کلنجہ ؛ بولنرک دخی ابتدای امر دہ بعض محن و تجارب شاقیہ متعلق تدایر و معاملاتہ مبتنی و بودہ بر طاقم مشکلاتی داعی اولدینی حالہ بر زمانلر قناعت وجدان حکامہ اصلاً عطف نظر اہمیت اولنقسزین براہین قانونیہنک جہت ظاہریہ سنے استناد ایدلمش و معافیہ بواصولک مرعی بولندینی ہنکامی متعاقباً بینہ ، وجدان حاکمہ قناعت کتورہجک دلائل و اماراتدن عبارت بولنمش ایدی .

ازمنہ ماضیہدہ محاکمات بر آرمق تحریراً جریان ایتدیرلیدکندن طرفین حضور محکمہیہ جلب و دعوت اولنزلر ایدی . محکمہ دعوائی کندیوسنہ تودیع اولنان استطاقنامہلر و طرفیندن ویریلان لایحہلر ایلہ تحقیقات واقعہنی حاوی اوراق اوزرینہ رؤیت ایدرک حکمنی ویرر ایدی .

حالبوکہ جزا دعوالزندہ بر مظنونک متہم و یا خود بری الذمہ اولدینہ حکم ویرمک مجرد حضور محکمہدہ درمیان اولنہجق اسباب متنوعہ ثبوتیہ و مدافعات مبسوطہ ایلہ طرفینک افادہ واقعہلرینک تقریر و تقدیری اوزرینہ وجدان حکامہ حاصل اولہجق قناعتک نتیجہ سنے متوقف بولندینی ایچون یالکز اوراقک مطالعہ و تدقیقہ حکم اعطاسی کبی حالردہ محکمہ مجرد اوراق ولوایح مقدمہنک مندرجاتہ تبعیتلہ مقید اولوردی . اثنای رؤیت دعوا دہ ہیئت حاکمہنک وجدان و ضمیرلرنجہ حاصل اولہجق اشتباہ و مشکلاتک حلی ضمنندہ طرفین ایلہ شہودہ ولدی الايجاب ارباب وقوفہ ایراد اسئلہ ایلہ در حال طوغریدن طوغریہ استیضاح مادہ

قابل اولہمزدی . والحاصل حصول اطمینان ایلہ تأمین وجدانہ مدار مستقل اولہجق وسائط و وسائل تعمیقہدن محکمہنک محروم براغلمسی معقول و مقبول بر طرز و اصول دکل ایدی . فقط بوقاعدہ اثنای محاکمہدہ جریان ایدہجک معاملاتدہ مرعی اولمق لازم کلور . تحقیقات اولیہیہ متعلق اولان احوال ایسہ اصول حاضر دہ دخی تحریراً جریان ایدر . چونکہ تحقیقات اعدادیہ و اولیہدن مقصد محضاً حین محاکمہدہ ایشہ یاریہجق اولان دلائل و اسباب ثبوتیہی تحریر ، جمع و محافظہ ایتکدن عبارتدر . تحقیقات واقعہنک جریانی ہنکامہ طرفینک واستماع اولنہجق شہودک افادات مضبوطہسی کرچہ اثنای محاکمہدہ ایضاح مادہیہ مدار اولور ایسہدہ قطعی عد اولنہمیوب بعض احوال استثنائیہدن ماعدا بولنرک حکم و قوتی عندالحاکمہ شفاہاً تکرار ایدلمسیلہ مشروط و ہر حالہ حکامک تقدیرات وجدانیہ سنے مرہون و مربوطدر . شفاہیت محاکمہنک دیگر محسناتی دہا واردرکہ مواد جزائیہدہ برنجی درجہدہ مطلوب و ملتزم اولدینی اوزرہ دعاوی جاریہنک کمال اہمیت و سرعتلہ بلا فاصلہ رؤیت و فصلنی موجب اولور . حالوکہ دعوائک برمدت تعطیل و انقطاعیہ اولجہ حکامک اذہان و وجدانندہ حاصل اولان تأثیراتک زائل و ضایع اولہجفی بدیہدر .

معافیہ رؤیت اولنان دعوی مغلق و مفصل اولدینی حالہ ہیئت حاکمہنک تنفس و استراحتلری ایچون امر محاکمہنک برمدتجک تأخیری جائز اولدینی کبی اثنای محاکمہدہ بر جرم ارتکاب اولنوب رؤیتی بینہ او محکمہیہ عائد بولنور ایسہ دعاوی حادثہنک مستعجلاً و مستقماً رؤیتی ضمنندہ دعاوی اصلینک موقتاً تعطیل و تأخیری مقتضیدر .

(علانیہ محاکمہ) یہ کلنجہ ؛ بولنک معناسی بر دعوائک اثنای رؤیتندہ علاقہدار اولنلردن بشقہ اشخاصک دخی بولنہ بیللمسندن عبارتدر .

(علانیہ محاکمہ) شفاہیت محاکمہنک نتایج طبیعیہ سندندرکہ محاکمہ تحریریدہ جاری اولان اصولک عکسیدر . افعال جرمیہدہ سامعین و زائرینک اثنای محاکمہدہ بولنہ بیللمک حق و صلاحیتی ایسہ مستلزم جزا اولان احوالک یالکز اشخاص متصرریہ طوقونمیوب بالجلہ افراد ہیئت اجتماعیہنک حقوق و منافعنی اخلال واضرار ایلمسی اساسنہ مستند اولیور .

کرچہ اثنای محاکمہدہ اشخاص سائرہنک حضورلری جریان محاکمہیہ برکونہ ایراث تأثیر ایدہمز ایسہ حقوق عامہنی اخلال ایدن مجرمینک مظهر مجازات اولدقلمنی خلق مشاہدہ ایتدجہ برنوع ترضیہ حس ایدرلر . حکامک بیطرفانہ ایفای وظیفہ ایلدکلرینہ ہرکسجہ قناعت حاصل اولدقجہ ویرلہجک حکملر حقندہ افراد جمعیتک حرمت و رعایتلری تأید و تزیاد ایدر . خلقک محاکمہدہ بولنمسیلہ حکام و مأمورین عدلیہنک برقاتدہ نظر دقت و اعتنالی جلب اولنہرق وظائف قانونیہلرینک تأمین حسن ایفاسنہ مدار اولور بوحقیقتلر ہیچ بر صوریلہ انکار اولہماز . بوفائدہلر بدیہی دکلدر ؟

صدد بچشمه تعلق اولان شو دقیقه مهمهده خفی قالمسون. وقتا که بین العباد اجرای عدل و داد و اعطای حکم و قرارداد همیشه مسلک بیطرفانه و موشکافانه بی اعتیادایله اعتدال افکار معرضلرنده رهنمای طریق سداد اولمق مبنای عظیمی تأیید و بنیاد ایدن ضیای حکمت و معرفتک مآثر فیاضانه سی جمله سندن دگیدرکه علانیت محاکمه اساسلرینی تشکیل ایدن اثار واحوالک مقدمات تاریخیسی محاکم شرعیجه حضور قاضیده مبادی شرع اسلامده جاری و مرعی ایدی.

حقایق شناسان سرائر حکیم نزدنده محقق و مسلمدرکه شریعت غرای اسلامیه روح القوانین علم و مابه التمدن اولاد آدم و کنز لایفای امدد.

سرتسر انوار عدل و حکمتله معا نظراز بروز اولان فقه شریفک امور دنیایه تعلق ایدن بتون احکام جلیله سی عصرآ بعد عصر شئون جهانده مرعی الاجرا اولان قوانین و نظاماتک اس الیاس عیدم الانداریسی عد اولنسه سزای دکلدر.

تاریخ اسلامک تحفیلری ترین ایدن امثال حکمیهدندرکه تجلیکاه عدل اجتماعی اولان معابد مقدسه اسلامیه بیه مرافعات، زائرین مواجهه سنده انظار عمومی قارشیسنده و بینات علیه دائره سنده اجرا اولنور ایدی مصلحت عامه ملاخله عادل سیه تأسس ایدن مدعی عمومیک وظیفه اساسیه نک اولزمانلرده تشکیلنه مقدمه انتظام و فطانت اولان دلائلندرکه بعض مواد معینهده (محتسب) عنوانیه (مدعی حسب) اصولنک جریان ضمه سنده بر مأمور بولندیریلور وائسای مدافعهده متولی وقف ایله بیت المال و اراضی مأمورلری عندالحاجه حاضر بولنور ایدی.

صدر اسلامده تعیین مولی و تحکیم اصولی جائز و هرکس حضور محکمهده لزوم کوردیکی وسائط مشروعه بی استعمال ایده بیلوردی.

عدل و احسانک نمودج عرفانی عنوانه شایان اولان اوپله محکمه لر کوریلوردی که حکم شرعینک مضمونندن انظار ابصار تیور ایدن برهن قاطع قارشیسنده هر کیم اولور ایسه اولسون قابلی ایدی که احتسابات وجدانیه ایله سرفرو برده حیرت اولوب عرض انقیاده انجذاب و میلان ایتسون؟ کویا که اوبرات حق پرستی، عدالتک تمثال مجسمی ایدی.

فضائل اخلاقیه سنی کالات عامیه ایله ترین ایدن حاکم لر بولنوردی که بر مؤتمر عدلی و سیاسینک ناطقه پرداز ادب و حکمتی کی مخصوصاتندن اولان طلاق دقایق سنجانه دن عقد مشکله کشای امورک حل و تفسیرینه دائر پرتوبار حقیقت اوله جق احکام صادره نک مابه الاستنادی بولنان اسباب موجب مشروعه ممکنمی ایدی که مستشهادت علمیه دن معدود اولسون؟ کویا او اجتهاد حکمی بر مسئله فقهییه نک زبده المقاصدینی تشریح و تصویر ایدن بنیه نیرنک مثال منتظمی ایدی.

برینک نظرنندن هاله نواره کی انکشاف حقیقتده بارقه لر، دیکرینک فکرنندن سیاله جواله کی انعطاف فضیلتده خارقه لر حاصل اولوردی.

بری مکنوز اولان جواهر تشریحاتک درخشانندن دامن استفاده یه ایشاریله انجلاهی حقیقته حاکم، دیکری مرموز اولان سرائر حکمیاتک فیضانندن جهان انسانیه انتشاریه اعتلای عدالته خادم اولور ایدی. عدالت که احقاق حق دیمکدر. منصف و متین اولان حاکم، بین البشر حس خصومت و منافرتی بادی خصوصاتده و افرادک عرض و جان و مال کی حقوق مادیه و معنویه لرندن طولای هر نه صورته اولور ایسه اولسون بر کونه تعدیات و تجاوزاتی استلزام ایدن حالاتده اصلا خاطر و کواکه باقاز. هر ایکی طرفی سیان طوتار. ذرما ظلم و اعتسافه میل ایتماز. حبه واحده منفعت ذاتیه کوزتماز. فصل منازعات و رفع اختلافاتده کال تأنی و حکم شرعی و قانونی ایله حق و نا حق تمیز و تفریق ایدر. بروجه حقانیت ترتب ایدن احکامی قضا و اجرا ایدر، بونک نه دقیق بر امر عظیم اولدینی مستغنی بیاند.

احقاق حق و فصل دعاوی خلق وظیفه مهمه سنک مشکلات و اهمیت عظیمه سی باهر البرهاندر. بونک ایچوندرکه جنایتی رؤیته مأمور محکمه رئیسری اظهار حقه مدار عدایده جکی وسائط ممکنه بی کنندی راییه بحق استعمالده قانوناً مأذونیت کامله بی جائزدر. بو صلاحیتک استعمالیچون نظر قانونده ناموس و وجدانی کافل وضامندر. ایشته مملک محروسه نک معموریتی و عثمانلیرک مسعودیتی اسبابنک ترقیات و تکملاتنه بارقه پیرای اجلال اولمق ایچون اون تموزده تکرار انتشاری تجلی فرمای عیون افتخار اولان قانون اساسی عثمانی که عدالت، حریت، مساوات، مشورت، اخوت کی ارکان اساسیه سی مزیاتیه اصول و احکام مقدسه شرعیه مزه مستند و موافقد.

بناء علیه قانون اساسی علینک (۱۸۱) نجی ماده منجیه سنک وضع ایلدیک قاعده عادلّه ایجابجه محکمه لرده هر نوع محاکمه علناً جریان ایدر. اعلاماتک نشرینه مأذونیت واردر انجق قانونده مصرح اسبابه مبنی محاکمینی خفی طوته بیلیر.

اصول محاکمات جزائیه قانوننک (۱۴۳) نجی و (۱۷۴) نجی و اصول محاکمات حقوقیه قانوننک (۲۵) نجی و (۳۸) نجی ماده لرله سائر احکام متعلقه اساسیه سنه کوره محاکم نظامیهده هر نوع دعاوینک محاکمه لری صورت علنیده اجرا اولانه جق و علنی اولمان محاکمات کان لم یکن حکمنده طوتیه جقددر.

ائسای محاکمهده طرفیندن هرری ادب دائره سنده سوز سولیر. دیکری سکونتله دکلر. یکدیگرلرینک حدتله سوزینی کسمک و یاخود افاده و مدافعه سی ختام بولمق سرین طعن و اعتراضی جرح و تکذیبه قالمشق و یا خصمه قارشو الفاظ تحقیریه استعمال ایتک کی مغایر ادب و تربیه حاللر قطعاً ممنوعدر.

استماع محاکمات ایچون خارجدن محاکمه یه کلان ذوات قانونه لازم کلان رعایت دائره سنده کمال ادب و احترام و سکون و اعتدال اوزره محاکماتی استماع ایدرلر.

ائسای محاکمهده مرافعات قانونیه خلافنده حد معروفي تجاوز ایدنلر حقنده فعل و حرکتلرینک درجات متفاوته سنه کوره تعیین ایدیلان مجازات اتباهیهیه متعلق معاملات قانونیه اجرا اولنور.

علانیت محاکمه قاعده اساسیه سنک مرعیتی مطلق ایسهده ذکر اولنان (۳۵) نجی ماده قانونیهده مصرح

اولدینی اوزره امر محاکمه نك علناً جریانی حجات ویا محذوری موجبایسه محکمه نك قرار یله خفياً اجرایی جائز اولور

کرچه اصول محاکمات جزائیهده بوکا دائر صراحت کافی یوغیسدهده قانون اساسیده مندرج ماده مبحث عنهانك فقره اخیره سنده علی الاطلاق تصریح بیوردینی اوزره محاکمه حقوقیه قانوننده مرعی اصول و احکامك مواد جزائیهده دخی جریانی امور طبیعیه دندر. دعاوی جزائیهده حجاتی موجب اوله جق احوال صورت علنیهده رؤیتی آداب و اخلاق عمومییه مغایر اولقله برابر سائرینه دخی سوء عبرت اوله جفی درکار بولنان فعل شنیع و زنا و ازاله بکر کبی افعال جرمیهدن و محذوری مستلزم اولان مواد دخی آسایش عمومی یی اخلاص ایده بیله جك جرائم سیاسیهدن عبارتدر .

فقط قاعده مبسوطه نك اهمیتیه مبنی احوال مشروحه استثناییهده دخی محکمه قرارینی ویرمزدن اول نزدنده بولنان مدعی عمومی ایله طرفینی استماع و ویره جکی قرارده علانیت محاکمیه مانع اولان اسباب موجبیه درج وایضاح ایتمی و اولوجهله قاعده عمومییه سنه توفیقاً طرفینك مواجهه سی و شهود ایله سائر ایجاب ایدنلرك استیجاب واستماعی ایله صورت خفیهده اوله رق جریان ایده جك محاکمه اوزرینه اساس ماده حقنده لاحق اوله جق حکمك هر حالده ینه علناً تفهیم اولنمی موجب فوائد و محسنات اولور .

طلعت

یلان یره یمین

یاخود

یمین کاذبه (۱)

اخلاق سینهنك آینه انعکاسی بولنان احوال و کیفیاتك باشلوجه لرندن بریده حقوق ناسی کتم وانکاردر. برکیمسه. دمتنده ثابت اولان حق انکار ایدرسه شبهه سز خالق و مخلوق نزدنده منفور اولور. هله نام عظمت اتسام الهیه قسمله تأکید ایدرك بو حال مقدوحی ارتکاب ایدن شخص لیم عندالله دوچار اوله جفی عقاب الیمدن بشقه ایچنده یشادینی جمعیت ایچنده حیات معنویه سنی عادتا کندی دست ظلم واعتسافی ایله محو و تلف ایتمش اولور . حقنده حسن شهادت و اعتماد قالماز ، قلوب عامهده کندیسه جای محبت بولماز ، معاملات و مناسباتی سکتهدار اولور، آشنالری بیله بومقوله اشخاص بد اخلاقدن تبعاد ایدر . ابنای نوعنك معاونه هر حال وکارده بالطبع محتاج اولان بر فرد انسانی نك موقع معالای محبت و اعتماددن سقوطی محقق بر موت معنویدر .

(۱) قسم ، آند مناسنه اولان (یمین) کلمه سی مؤنثدر ، بونکچون صفتیهده مؤنث کلور .

قانون جزامز ، دعاوی حقوقیهده یمین توجه ایدوبده یلان یره یمین ایدن کیمسه نك بعدالتشهر الی ماهدن اقل اولماق اوزره حبس جزاسیله مجازات اولنمنی امر ایدر (ماده : ۲۱۲)

قانونك شو امری حسن اخلاقك بوجهتی محافظه ایچون بر نکهبان دهانش اولدیغندن انکار حقوقه تصدی ایده بیله جکلری دائماً دوشوندر و نظر قانونك نفوذ ایده میه جکی مظلم کوشه لرده احتفا اولنه بیله جکندن امنیت حاصل اولدقچه بوکا مجاسرت ایدیه میه جکی جهته انلری علی الاکثر تهدید ایدر .

فقط مسئله یی برده دیگر صورته مطالعه ایدلم ؛ بعض اسافل ناس اولورکه بو تهدید قانونی یی ملاحظه ذاتیه و استفاده شخصیه سنه آلت اتخاذ ایدرك ، کندیسندن طلب اولنان حقندن بری الذمه بولنمنه مبنی حضور حاکمه بحق یمین ایتمش بولنان بر معصومی ، بعض شهود زور تدارك واقعه سیله پنجه قانونه تسلیم ایلک ایستری و یاخود بحق یمین ایتمش اولان بر صاحب ناموسی محکمه جزایه سور و کله یوب تضییق و تحویف ایله اندن آرزو ایتدیکی شیئی قویارمق طمعنه دوشر . شو حالده ایکی جهت سیان اوله رق مطالعه اولنلیدر . ممکن اولدینی قدر صور ثبوتیه بر حالده اولملی درکه نه یلان یره یمین ایدن کیمسه جزادن تخلیص کر بیان ایلسون نهده اصحاب ناموس ، شکار اهل تزویر اولسون .

موضوع بحثمز اولان جرمك صور ثبوتیه سنی ایضاحدن اصول جزائیه مز حال حاضرده ساکت اولدیغندن شهودك شهادتلی کاه ثبوت مدعایه کافی کوریلور . بعضاً دخی بونوع ینه کافی عد اولنیه رق ینه تحریریه نك فقدانی حالنده مظلون علیک برائی طرفه کیدیلور . بالتدقیق کلاسیلیورکه بوجرمك اثباتی خصوصنده محاکم جزائیه مزك طرق استدلالی بری برینه توافق ایتیمور ، حتی عین محکمه نك نظریه سی بیله زمان زمان دکشیدیکندن طرز اثبات واستدلالی یکنسق کورنیمور . سابق محکمه تمیزك رأی واجتهادی دخی بومبحثده برسر معین اتخاذ ایتماشدر ؛ برقرارنده کورولورکه یمین کاذبه نك اثباتنده شهودك شهادته کافی دیمش ، دیگر برقرارنده ایسه بونك ایچون مطلقاً ینه تحریریه لازم اولدیغنه ذاهب اولمش . هرایکی درلو قرار قیداً ثابتدر . فقط بومقررات مختلفه ازمان مختلفهده محکمه تمیزك عین هیئتندن صادر اولمش دکل ، بلکه هیئتك ترکب ایتدیکی اعضاده وفات ، نقل مأموریت ، تقاعد وسائر کبی برچوق احوال ظهوریه تبدل وقوعه کلسی اوزرینه اخیراً دیگر اعضادن تشکل ایتمش اولان هیئته اکثریتك قرار اوله مخالف رأی واجتهاده بولنلرندن انبعاث ایتشددر .

قرانسز اصول جزائیه سی ، بوجرمك اثباتنده میدانی بتون بتون شهوده ترك ایتیمور ، بتون بتون نظر اعتبارنده اسقاط ایلیمور . بونده یمین کاذبه ادعاسی هانکی دعاوی حقوقیه دن نشأت ایلش ایسه اودعوایه نظر ایدیور . اگر اودعوا حقونك شهادت ایله اثباتنه مساع قانونی واریسه اندن تحدت ایدن یمین کاذبه ادعاسنك شهادت ایله اثباتی جائزدر دیور . اگر یمین کاذبه نك منشائی بولنان دعاوی حقوق انحق ینات

تحریریه ایله اثبات اولور خصوصاً اینه بویکی دعویٰ حقوقیه ظهوره کلن یمین کاذبه ادعاسنک ده انجق بینه تحریریه ایله اثباتی لزومی کوستریور .

شرحی اصول جزائیة (code pénal expliqué) نام اثرده شویله ذکر اولمش : « سؤال — ساده جه شهادت ایله اثبات اولنه بیلن خصوصاً اینه یمین کاذبه ادعاسی شهادت ایله اثبات اولنه بیلدیکی حالده ، قانونک بینه تحریریه ایجاب ایلدیکی خصوصاً اینه ، یعنی یوز الی فرانفی متجاوز بر مبلغه متدائر تگون ایدن دعاویده اقامه اولمان یمین کاذبه ادعاسی انجق بینه تحریریه ایله یمین اثبات اولنه بیلور ؟ اوت ، محکمه تمیز مقرراتندن بومستبان اولیور ... » .

شمدی کلم ، مدعینک حق شخصیه نه اوله جق ؟ دعویٰ واقعیه مدعی علیه انکار ایتمش ، مدعی ده اثبات مدعان اظهار عجز ایلمی اوزرینه طلبیه مدعی علیه تحلیف اولمش ، محکمه حقوقده دعوی بوضورتله حل و فصل ایدلمش ، بعده جزا محکمه سنده یمین کاذبه دعواسی اقامه اولنیور و خلاف حقیقت یمین ایدلدیکی بالینه ثابت اولیور ، جزاسی ترتیب ایدیلیور ، فقط بونک ضمننده مدعینک حقیقه تبیین ایدیور ، شوالده جزا تعینی ایله برابر مدعینک مطلوبنده حکم اوله جقمی ، یوقسه بوجهته تعرض اولنیه رق حکم یالکیز جزایه می قصر ایدیلجک و یا خود دعوائی رؤیت ایتمش اولان حقوق محکمه سنده مدعی دعواسی رأساً ایاچی ایده جک و یا اعاده محاکمه صورتیه می مراجعت ایله جک ؟ اصول محاکمیز بوشه بی حل و ایضاحدن ساکت و خاموش ایسه ده (یمین خصومتی قاطعدر) قول معروفنه و اعاده محاکمه می موجب اسباب عشره دن بر سبب موجود اولماسنه باقیلورسه محکمه حقوق یمین ایله حل و فصل ایتمش اولدینی بر دعوائی ارتق نه رأساً ونه اعاده رؤیت ایده میه جکی کی جزا محکمه سنک ده حقوق محکمه سنده حکمه ربط ایدلمش بر دعویٰ شخصیه باقمیه جفی نمایان اولیور . وشو حالده یلان یره یمین ایله صاحب مطلبک حقیقی هدر ایدن مدعی علیه انجق دوچار اولدینی عقوبت ایله شرف و ناموسنی هدر ایدیور .

بومستنده برده فقهای عظام حضراتی دکلمه ! مشار الیه دیورلرکه : مدعی علیه یمین ایتسکه مدعینک حقی باطل و هدر اولماز ، مدعینک دعواسی ینه باقی در ، فقط دعواسنه موافق بینه اقامه ایتدیکه مخاصمه ایده مز . اکر دعواسنه موافق بینه یه ظفریاب اولورسه اقامه ایدر و اوینه ایله لهنه حکم اولور . بعض قضاة سلف یمیندن صکره بینه استماع ایتمز لرایدی ، دیرلرایدی که : مدعی علیه صدق جهتی ، یمین ایله ترجیح ایدلکندن ارتق مدعینک بینه سی قبول اولماز . لکن بوقول شایان التفات دکلدر ، چونکه عمر رضی الله عنه حضرتلری منکرک یمیندن صکره مدعینک بینه سی قبول ایتدی . قاضی شریح رحمه الله حضرتلری ده « الیمین الفاجرة احق ان ترد من البینه العادلة » دیر ایدی که یمین فاجره رد اولمغه بینه عادلده دن احقدر دیمکدر . برده مدعینک یمینه طالب اوله سی بینه سی بولمغنه دلالت ایتمز ، احتمالکه بینه سی واردر ، فقط غائب اولدینغه و یا خود حاضر فی البلد ایسه ده مدعی اتی احضار ایدله مدیکنه مبنی اقامه ایده مامشدر . دهاسی وار ؛ یمین بینه نک خلف

و بدلی کی در ؛ اصل موجود اولنجه آرتق خلف و بدلیک حکمی قلماز ، بناءً علیه اقامه برهان ایله یمینک حکمی مرتفع اولور (درالحکام وحاشیه سی عبدالحلیم و ملتقی شرحی داماد) .

بوسببه مبنی درکه بر دعوی محکمه شرعیه یمین ایله حل و فصل اولندقدن صکره مدعی دعواسنه موافق بینه ده دسترس اولنجه تکرار محکمه مه مراجعت ایدر و دعوی بالینه ثابت اولدقدن مدعینک لهنه حکم و قضا اولنور .

پکی ! اقامه بینه ایله مدعینک دعواسی ثابت اولوب لهنه حکم و قضا اولندی ، یادعوائی انکار ایله یمین ایتمش اولان مدعی علیه یلان یره یمین ایتدیکی بالینه ثابت اولدی دیه دوچار مجازاة اوله جقمی اولیه جقمی ؟ امام زیلعی یه تبعاً مولی خسرو ، یمین ایتمش اولان منکرک اخیراً اقامه اولان بینه ایله علی الاطلاق کذبی ظاهر اولیه جفی تصویب ایدیور و بناءً علیه شاهد زور جزاسیله کنديسنه مجازاة اولنیه جفی بیان ایدیور . اصل عباره شودر :

« وهل يظهر كذب المنكر باقامة البينة ؟ والصواب انه لا يظهر ، حتى لا يعاقب عقوبة شاهد الزور ، ذكره الزيلعي » .

فقط مولی خسروک امام زیلعی یه تبعاً بویله علی الاطلاق خالفک کذبی ظاهر اولمغنه دائر ذهابی بعض امهات کتب فقهیهدن نقلاً خلاف مفتی بهدر دیه انتقاد ایدلمشدر . دینیلیورکه خالفک کذبی بالینه ثابت اولماسی مطلق دکلدر ، مقیددر . برکیمسه سبب بیان ایتمسزین برمال دعوی ایدوبده مدعی علیه یمین ایدلکدن صکره مدعی اقامه بینه ایتسه مدعی علیه کذبی ظاهر اولور . اکر مدعی سبب بیان ایدرک ادعا ایدوبده مدعی علیه دینم یوقدر دیه یمین ایتسه و بعده مدعی سبب اوزرینه اقامه بینه ایتسه کذبی ظاهر اولماز . جائزکه مثلاً قرض تحقق ایدلکدن صکره ابرا و یا ایضا تحقق ایتمش اولسون ، مفتی به اولان بودر (عبدالحلیم ، درالمختار) .

مقصد ، اصول محاکمیز تعدیلنه تشبث اولدینی شوزمانده ، طرز اثباتی هنوز بزجه صورت قطعیه ده تقرر ایتماش اولان بومسئله مهمه بی خاطره کتورمکدن عبارت اولمغه رجال حقوق طرفدن ده واسع صورتده تبعات و تدقیقات اجراسنه و بوجهته عائد ملاحظات و مطالعاتک لطف ظهورینه بر مقدمه وجیزه اولمق اوزره مصادف نظر اطلاع اولان نقول بوجه بالا عرض اولندی .

برکت زاده اسماعیل حقی



اعلانات

خادم قریه‌سی ساکنه لرندن خورشید اغا زوجہ‌سی حدیجہ خانمک قریہ مرقومہ‌لی خلیل اغا ذمتندہ با اعلام آلاجنی اولان مبالغک تأمین استیفاسی ضمنندہ مدیون مرقومک عہدہ تصرفندہ اولوب تحت حمزہ آلہان قریہ درونندہ بہجت چاوش خرمان یری غرباً یول جنوباً جامع شریف دیواری شمالاً کندی خانہ‌سی و بعضاً یول ایله محدود ایکی دوئم بر قطعه عرصہ‌نک تاریخ اعلاندن اعتباراً اون بش کون صکرہ فروختنه تشبث اولنه جغندن طالب اولانلرک چتالجه اجرا دائرہ‌سنہ مراجعت ایملری اعلان اولنور .

۲ کانون اول سنہ ۳۲۵

چتالجه قصبہ‌سندہ ژندارمہ بلوک امینی احمد افندینک بابا نقاش قریہ‌سی اہالیسندن متوفی سلیمان بن احمد ذمتندہ با اعلام شرعی آلاجنی اولان معلوم المقدارہ مبالغک تأمین استیفاسی ضمنندہ مدیون مرقومک پدرندن منتقل محجوز قریہ درونندہ جہہ‌سی طریق خاص یمین یساری آرقہ طرفی مصدق اغا عرصہ‌لری ایله محدود بر صہانلق وینہ قریہ چارشوسندہ جہہ‌سی طریق یمینی سالم اغا یتیملری عرصہ‌سی یساری اسماعیل اغا قہوہ خانہ‌سی آرقہ‌سی طریق عام ایله محدود یاریم دوئم و بر قطعه عرصہ‌دہ اوچ حصہ اعتباریلہ بر حصہ‌سی تاریخ اعلاندن اعتباراً اون بش کون صکرہ فروختنه تشبث اولنه جغندن طالب اولانلرک چتالجه اجرا دائرہ‌سنہ مراجعت ایملری اعلان اولنور .

۲ کانون ثانی سنہ ۳۲۵

مسیا افندینک بک اوغلندہ کوچک پارمق قبودہ مارسلیا بقالی اوستندہ کی اپارتمانندہ ساکن چارشوی کبیر خمن سابق اغوب جواہرجیان ذمتندہ جہت کفالتدن آلاجنی اولان طقسان بش بیچق لیرانک فائضیلہ بالغ اولدینی یوز طقوز تام و بر ربع عثمانی لیراسی و اون بش غروشک حین تأدیہ دکن مثلنی تجاوز اتمامک اوزرہ مع فائض مرہون اولان الی لیرا قیمتندہ کی ایکی عدد پرلانطہ‌نک بالمزایدہ فروختیلہ اثماننک مدعاہرہ بالمحسوب متبایسنک مدعی علیہدن تحصیل حکمنی حاوی محکمہ‌دن استحصا ایلدیکی ۲۹ تموز سنہ ۳۲۵ تاریخلی و ۸۳۷ عددلی اعلام غیایینک صورت مصدقہ‌سی اصولاً محل اقامتنہ کوندرلدیکی حالہ شکر ی پاشا اپارتمانی اوطنہ‌جی باشیسی لیغور طرفندن و یریلان و خدہ‌سی طرفندن تصدیق اولنان شرحدن مدیون مومی الیہک بوندن سکز ماہ مقدم عائلہ سیلہ برلکدہ یونانستانہ کیدوب تجارتلہ اشتغال ایتدیکی اکلاشلمش و یونانستانک ہنکی شہرندہ اولدینی غیر معلوم بولنمش اولدیغندن مدعینک طلبیلہ مارالذکر اعلام غیایینک صورت مصدقہ‌سی اصول محاکمہ حقوقیہ قانوننک یکر می التبیجی مادہ‌سنک فقرہ اخیرہ‌سی

حکمه توفیقاً تبلیغ عد اولنق اوزره محکمه دیوانخانه سینه تعلیق اولدینی کبی اوراق حوادثله اعلان کیفیته ابتدار قلندی .

۴ کانون ثانی سنه ۳۲۵

بوغاز قریه سندن طنش اوغلی دیمتر کینک قریه مرقومه لی طنش اوغلی میحال ذمتنده با اعلام محکوم به الاجفی اولان مبالغت تأمین استیفاسی صمننده محجوز قریه دروننده بر باب خانه اوچییک یوز غروشدہ طالبی اوزرنده تقرر ایدوب یوزده بش ضمیله طالب اولانلرک چتالجه اجرا دائره سینه مراجعت ایلری اعلان اولنور .

۱۲ کانون ثانی سنه ۳۲۵

فریق محمد منیر باشا امضاسیله ۱۸ تشرین ثانی سنه ۳۲۵ تاریخده در سعادت بدایت محکمه سی ایکنجی حقوق دائره سینه اعطا قلنان عرخلده صامسونده مفرزه نظامیه قوماندانی ایکن ایوم اقامتکاهی مجهول اولدینی بیان ایلدیکی یوز باشی احمد ذا کرافدی علیه مع تفرعات بر عددو یقتوریا عرب سیله بر رأس عرب اتک موجود ایسه عیناً و مستهلک اولدینی حالده یوز یکر می بش عدد لیرای عثمانیک بدلاً تحصیل دعوی ایدلمش و مومی الیهک اقامتکاهی مجهول اولق حسیله اولباده تنظیم قلنان دعوتنامه ایله استدعا صورتی محکمه دیوانخانه تعلیق قلنهرق محاکمه ک رک رؤیتی اوچیوز یکر می بش سنه سی شهر شباطنک اون التنجی صالی کونه قرارلشدیرلمش اولدیغندن یوم مذ کورده مومی الیه احمد ذا کرافدینک بالذات محکمه یه کلسی و یاخود طرفندن بر وکیل کوندرمی و عکس حالنده معامله غیایه اجرا قلده جفی اصول محاکمه حقوقیه قانوننک یکر می التنجی ماده سی موجبجه اعلان اولنور .

۱۵ محرم سنه ۱۳۲۸ و ۱۴ کانون ثانی سنه ۳۲۵

محکمه تجارت بحریه جانبندن افلاسینه قرار ویرلمش اولان طنطاوی زاده خالد بکک تسویه دیوانی صمننده بیوک اطهده فابریقه زقاغنده ۲۴ نومرو ایله مرقم بر قطعه سندله تصرف اولنور ۳۹۰ کسور ذراع بر قطعه عرصه وینه مذکور زقاغده فوقانی و تحتانی بش اوطه و علی التحمین ۴۰۰ کسور ذراع مقداری باغچه و مشتملات سائرینی حاوی بر باب اخشاب خانه وینه محل مذکورده نظام زقاغنده ۶ نومرو ایله مرقم کذلک بر قطعه سندله تصرف اولنور علی التحمین ۸۰۰ ذراع دیگر بر قطعه عرصه بوندن اقدام موقع مزایده یه قونیلهرق عثمانی لیراسی یوز غروش حسابیله ۲۴ نومرولی عرصه ۵۰۰۰ غروشدہ و اخشاب خانه ۷۵۰۰ غروشدہ و ۶ نومرولی عرصه ۵۰۰۰ غروشدہ طالبی عهده سنده قلمش اولغله قرارموقتی ویرلمش اولدیغندن اشبو کانون ثانی رومینک یکر می برندن اعتباراً اوتوز بر کونه یعنی کله جک شباط رومینک یکر می برنجی بازار کونی ساعت طقوزه قدر یوزده بش ضم قبول اولنسی و ذکر اولنان یوم و ساعتده صوک مزایده لری بالاجرا قرار قطعیرینک اعطاسی مقرر بولدیغندن املاک مذکوریه یوزده بش ضمیله طالب اولنلرک ودها زیاده معلومات الملق استیانلرک بدل مزایده نک عشرینه مساوی پی اچمه سیله برابر مدت مذکورده طرفنده محکمه تجارت اجرا دائره سینه مراجعت ایلری و وقت مزبورده املاک مذکورده پیشکاهنده مأموری مواجهه سنده حضر بولنلری دائره مذکورده اعلان اولنور .

۱۶ کانون ثانی سنه ۳۲۵

متوفی طنش خرم لیدی شونه ورثه سنک متوفی چرخجی میرالای محمدک ذمتنده با اعلام محکوم به اولان مطلوبنک استیفاسی صمننده متوفای مومی الیهک وارث و محدودی عثمان بک ایله کریمه سی حدیجه خانک انتقالاً متصرف اولدقلری قاضی قریه سنده طوغا جی باشی محله سنده حاجی مصطفی افندی زقاغنده اون سکز نومرولی و التی دونم مقداری خراب باغ و بغچه اوزرینه مبنی تحتانی فوقانی اون بر اوطه و مطبج اخور ایله قیوی مشتمل صیفیه اوله رقی التمش لیرا بدل ایله ایجاره متحمل و زمینی سلطان سلیم خان قدیم وقفنه مقاطعه لو محجوز بر باب اخشاب کوشکک تاریخ اعلانندن اعتباراً اون بش کون صکره لدی المزایده فروخته تشبث اولنه جفندن طالب اولانلرک ودها زیاده معلومات الملق استیانلرک بک اوغلی بدایت محکمه سی اجرا دائره سینه مراجعت ایلری اعلان اولنور .

۱۶ کانون ثانی سنه ۳۲۵

حسین خیری افندینک بحسب الکفاله عایشه بدریه خانم ذمتنده کی محکوم به معلوم المقدار اله جفنگ استیفاسی صمننده مومی الیهک در سعادتده سلیمانیه خواجه حمزه محله سنده دیو اوغلی یقوشنده التمش ایکی نومرو ایله مرقم سپاهیلر اغاسی زاده حسن اغا وقفندن اجاریتللو و تحمیناً ایکوز سکسان طقوز ذراع عرصهده مبنی تحتانی و فوقانی اون اوطه ایکی صوفه و مطبج و ابدستخانه و اودونلق و کورلک و بر قیو ایله سکسان ایکی ذراع مقداری بغچه یی و الحاج حسین اغا وقفندن دروننه جاری نصف ماصورا ماء لذیدی مشتمل شهری بشیوز یکر می غروش بدل ایجاره متحمل بر باب خانهده مدیونه مومی الیهک متصرفه اولدینی ثلث حصه شایعه سی تحت حجزه الدیرلمش اولغله تاریخ اعلانندن اعتباراً اون بش کون صکره بالمزایده فروخته تشبث اولنه جفندن طالب اولوب دها زیاده معلومات الملق استیانلرک بک اوغلی بدایت محکمه سی اجرا دائره سینه مراجعت ایلری اعلان اولنور .

۱۷ کانون ثانی سنه ۳۲۵

اوچیوز یکر می بش سنه سی مارتنک اونجی کونی برغوس قریه سنده قیون رعی مسئله سندن بیلنلرنده تحدث ایدن منازعه نتیجه سنده چوبان قسطنطینی قتل قصیدله جرح ایلدیکی ادعاسندن طولانی مظنون علیه اولوب هیئت اتهامیه جه جنایتله اتهام اولنهرق حقنده اخذ و گرفت امری ویرلمش اولان و کمر برغوس قریه سنده اقامتله رنجبرلک ایدن اورته بویلی بغدای بکزی قمرال قاش و صاچلی الا کوزلی شاب امرد اون یدی یاشنده پانده لی ولد یانقو نام شخص الیوم اثبات وجود ایتهمش اولدیغندن اصول محاکمات جزائییه قانوننک اوچیوز یتمش برنجی ماده سی موجبجه محکمه یه کلسی ایچسون تاریخندن اعتباراً جانب ریاستندن مجدداً اون کون مهل ویرلمکله اشبو مدت ظرفنده کلدیکی حالده کندوسنه قانونه اطاعت ایتهمش نظریله باقیلهرق محاکمه سنک غیباً بالرؤیه حقوق مدنیهدن اسقاط و اموالی حجز اولنه جفنی و بو ائاده بر کونه دعوی اقامه سینه حق اوله میه جفنی و علیه نه دعوییه قیام ایدیله جکی کبی بولندینی محلی بیلنلرک خبر ویرمک و بالجله ضابطه عدلیه مأمورلرینک کندوسنی در دست ایتمه مجبور اولدقلری مبین اشبو قرارنامه اصول محاکمات جزائییه قانوننک اوچیوز

یتش ایکنجی ماده سندن استنباط اولنان احکامه توفیقاً تنظیم و معامله حجریه حقنده تبلیغات مقتضیه سنک اجرا وسائر معاملات ایفا اولمق ایچون نسخ کافیه سی مدعی عمومیلکه تودیع قلندیغی اعلان اولنور .

۷ کانون ثانی سنه ۳۲۵

اوچیوز یکریمی بش سنه سی تشرین ثانیسنک اوچنجی صالی کیجه سی ساعت درت راده لرنده کدک پاشاده بیلرنده تحدت ایدن منازعه تیجه سنده بالهورقوندره بویاجیسی مامیلی جرح وقتل ایتدیکی ادعاسندن طولای مظلون علیه اولوب هیئت اتهامیه جه جنایتله اتهام اولنهرق حقنده اخذ و گرفت امری ویرلمش اولان و اوصاف واشکالی غیر مضبوط اولوب جنبرلی طاشده اسیر بازارنده واقع قومیسوق خانک ایکنجی قاتنده بر او طده اقامتله شکر و حلوا صاتان ایرانی حسن نام شخص الیوم اثبات وجود ایتهمش اولدیغندن اصول محاکات جزائییه قانوننک اوچیوز یتش برنجی ماده سی موجبجه محکمه یه کلسی ایچون تاریخندن اعتباراً جانب ریاستندن مجدداً اون کون مهل ویرلمکه اشبو مدت ظرفنده کلدیکی حالده کندوسنه قانونه اطاعت ایتهمش نظریله باقیله رق محاکمه سنک غیباً بالرؤیه حقوق مدینه دن اسقاط و اموالی حجز اولنهرق و بوائنده برکونه دعوی اقامه سنه حتی اولهمیه جغنی وعلیه ننده دعوا یه قیام ایدیه جکی کی بولندیغی محلی بیلنرک خبر ویرمکه وبالجمله ضابطه عدلیه مأمورلرینک کندوسنی در دست ایتمکه مجبور اولدقلرینی مبین اشبو قرارنامه اصول محاکات جزائییه قانوننک اوچیوز یتش ایکنجی ماده سندن استنباط اولنان احکامه توفیقاً تنظیم و معامله حجریه حقنده تبلیغات مقتضیه سنک اجرا وسائر معاملات ایفا اولمق ایچون نسخ کافیه سی مدعی عمومیلکه تودیع قلندیغی اعلان اولنور .

۱۷ کانون ثانی سنه ۳۲۵

بک اوغلنده فری کوینده قرق آلتی نومرولو خانه ده ساکنه از مراغده بنت دیمتری وکیلی قسطنطی اپوستولیدیس افندیکنک بک اوغلنده قیل بروننده مقیم طناش ولد یانی یه مؤکله سنک اقرض ایلدیکی یوز یکریمی عدد لیرای عثمانی مقابلنده متصرف اولدیغی عرصه سی وفاء فراغ اولنهرق مدت معینه سی دخی مرور ایلدیکنندن مبلغ مذکورک کذران اولان ایکی سنه یکریمی طقوز کون ایچون یکریمی ایکی لیرا قرق سکز غروش فاضلیله معاً بالغ اولدیغی یوز قرق ایکی لیرا قرق سکز غروشک تحصیل وادای دیندن ابا و امتناعی تقدیرده وفاء مرهون عرصه نک بلمزایده فروختیه ائمانندن مدعا بک استیفا سی حکمنی حاوی محکمه دن استحصا ایلدیکی ۲۱ کانون اول سنه ۳۲۵ تاریخی و سکز یوز سکسان درت عددلی اعلام غیابینک صورت مصدقه سی مدعی علیه محل اقامتی معلوم اولماسندن طولای مدعینک طلبیه اصول محاکمه حقوقیه قانوننک یکریمی آلتنجی ماده سنک فقره آخیره سی حکمنه توفیقاً تبلیغ عد اولمق اوزره محکمه دیوانخانه سنه تعلیق اولندیغی کی اوراق حوادلله دخی اعلان کیفیته ایتدار قلندی .

۱۷ کانون ثانی سنه ۱۳۲۵

قوزموس و برادری قره بت اغارک متوفی ماروق ورته لرندن نمروز و ماریم و زاروهی ذمته لرنده با اعلام محکوم به آلاچقلری بولنسان معلوم المقدار مبالغت تأمین استیفا سی ضمننده تحت حجزه آلتوب فروختی قرارگیر بولنان اسکدارده چارشو بوینده قره جه احمد جاده سنده سلمان اغا محله سنده قرق درت نومرولی شاطر فروشنده و بلبانده روم محمد پاشا محله سنده اون ایکی واون درت نومرولی نعلبور واون آلتی نومرولی قهوه واون سکز نومرولی کر استه جی دکانلرینک اون بازگیر اوچ منجک سکز سهم اعتباریه درت بحق سهم حصه لریله ینه محل مذکورده مجدد اتوز بش نومرولو مغازه و فوقنده بر نومرولو خانه ده بولنان نصف حصه لری و اسکدارده محکمه شرعیه زقاغنده کائن مقدمه کارگیر دکرمن والیوم سکز نومرولو برباب آخور و فوقنده یدی نومرولو خانه سکز حصه اعتباریه درت بحق سهم حصه لری تاریخ اعلاندن اعتباراً اون بش کونصره بلمزایده فروخت اولنهرق جغندن طالب اولانلرک ودها زیاده معلومات المق ایستیانلرک اسکدار اجرا دائره سنه مراجعت ایللری اعلان اولنور .

۱۸ کانون ثانی سنه ۳۲۵

اوچ یوز یکریمی بش سنه سی تموزینک اون برنجی بازار کیجه سی ساعت بر بحق راده لرنده غلطه ده بانق عثمانی جاده سنده برکت حانی آلتده واقع اولوب مستاجر بولندیغی الی درت نومرولی دکانی سیغورطه ایتدیرمش اولدیغی اشیا بدلنه طمعاً و قصداً احراق ایتدیکی ادعاسندن طولای مظلون علیه اولوب هیئت اتهامیه جه جنایتله اتهام اولنهرق حقنده اخذ و گرفت امری ویرلمش اولان وایتالیا دولت فخمه سی تبعه سندن اولوب مقری کوینده کلیسا جاده سنده کائن برخانه ده اقامتله مذکور دکانده ترزیک ایدن الی یدی یاشنده موسیو ژوزف ولد میشل غالیجی الیوم اثبات وجود ایتهمش اولدیغندن اصول محاکات جزائییه قانوننک اوچیوز یتش برنجی ماده سی موجبجه محکمه یه کلسی ایچون تاریخندن اعتباراً جانب ریاستندن مجدداً اون کون مهل ویرلمکه اشبو مدت ظرفنده کلدیکی حالده کندوسنه قانونه اطاعت ایتهمش نظریله باقیله رق محاکمه سنک غیباً بالرؤیه حقوق مدینه دن اسقاط و اموال حجز اولنهرق جغنی و بوائنده برکونه عوی اقامه سنه حتی اولهمیه جغنی وعلیه ننده دعوا یه قیام ایدیه جکی کی بولندیغی محلی بیلنرک خبر ویرمکه وبالجمله ضابطه عدلیه مأمورلرینک کندوسنی در دست ایتمکه مجبور اولدقلرینی مبین اشبو قرار نامه اصول محاکات جزائییه قانوننک اوچیوز یتش ایکنجی ماده سندن استنباط اولنان احکامه توفیقاً تنظیم و معامله حجریه حقنده تبلیغات مقتضیه سنک اجرا وسائر معاملات ایفا اولمق ایچون نسخ کافیه سی مدعی عمومیلکه تودیع قلندیغی اعلان اولنور .

۱۸ کانون ثانی سنه ۳۲۵

ارچیوز یکریمی بش سنه سی اغستوسنک اوچنجی بازار کیجه سی قاضی کوینده اشکبه جی زقاغنده واقع قصاب واسیل مانغه نک دکانی فوقنده کی او طده بولنان تیمور قاصه یی الت مخصوصه ایله شکست ایدرک اچه سنی سرقت ایتدکلری ادعاسندن طولای مظلون علیه اولوب هیئت اتهامیه جه جنایتله اتهام اولنهرق حقنده اخذ و گرفت امری ویرلمش اولان و غلطه ده حصار دیننده اوسیان افندیکنک متصرف بولندیغی یکریمی الی نومرولی

خانه ده اقامتله تیمور جیلیق ایدن اورتیه بویلی طیقنازجه وجودلی بغدادی بکزیلی قره بیق و صاچلی اندون الیوم اثبات وجود ایتمهش اولدیغندن اصول محاکات جزائیة قانوننک اوچیوز یتیش برنجی مادهسی موجبجه محکمهیه کلسی ایچون اشبو تاریخدن اعتباراً جانب ریاستدن مجدداً اون کون مهل ویرلمکه اشبو مدت ظرفنده کلدیکی حالده کندوسنه قانونه اطاعت ایتمهش نظریله باقیلهرق محاکمه سنک غیاباً بالرؤیه حقوق مدنیهدن اسقاط واموالی حجز اولنه جغنی و بوائنده برکونه دعوی اقامه سنه حتی اوله میه جغنی و علیهنده دعوایه قیام ایدیه جکی کبی بولندیغنی محلی بیلنلرک خبر ویرمکه و بالجله ضابطه عدلیه مأمور لرینک کندوسنی در دست ایتمه مجبور اولدق لرینی مبین اشبو قرار نامه اصول محاکات جزائیة قانوننک اوچیوز یتیش ایکنجی ماده سندن استنباط اولنان احکامه توفیقاً تنظیم و معامله حجزیه حقنده تبلیغات مقتضیه سنک اجرا وسائر معاملات ایفا اولنق ایچون نسخ کافیه سی مدعی عمومیلکه تودیع قلندیغنی اعلان اولنور .

۱۸ کانون ثانی سنه ۳۲۵

اوچیوز یکر می بش سنه سی اغستوسنک اوچنجی بازار کیجه سی قاضی کوینده اشکمه جی زقاغنده قصاب واسیل مانقنک دکانی فوقنده کی اوطه ده بولنان تیمور قاصه یی الت مخصوصه ایله شکست ایدرک اچیه سی سرقت ایتدکاری ادعاسندن طولای مطنون علیه اولوب هیئت اتهامیه جه جنایتله اتهام اولنهرق حقنده اخذ وکرفت امری ویرلمش اولان وغلطه عرب جامعنده پنجشنبه بازارنده باقر زقاغنده کراسته جی مصطفی افندیکنک متصرف اولدیغنی ایکی نومرولی خانه ده همشیره سی ایساوت ایله اقامتله قیو جیلیق ایدن قیصه بویلی اورتیه وجودلی صاری بیقلی بغدادی بکزیلی استراطی الیوم اثبات وجود ایتمهش اولدیغندن اصول محاکات جزائیة قانوننک اوچیوز یتیش برنجی ماده سی موجبجه محکمهیه کلسی ایچون اشبو تاریخدن اعتباراً جانب ریاستدن مجدداً اون کون مهل ویرلمکه اشبو مدت ظرفنده کلدیکی حالده کندوسنه قانونه اطاعت ایتمهش نظریله باقیلهرق محاکمه سنک غیاباً بالرؤیه حقوق مدنیهدن اسقاط واموالی حجز اولنه جغنی و بوائنده برکونه دعوی اقامه سنه حتی اوله میه جغنی و علیهنده دعوایه قیام ایدیه جکی کبی بولندیغنی محلی بیلنلرک خبر ویرمکه و بالجله ضابطه عدلیه مأمور لرینک کندوسنی در دست ایتمه مجبور اولدق لرینی مبین اشبو قرار نامه اصول محاکات جزائیة قانوننک اوچیوز یتیش ایکنجی ماده سندن استنباط اولنان احکامه توفیقاً تنظیم و معامله حجزیه حقنده تبلیغات مقتضیه سنک اجرا وسائر معاملات ایفا اولنق ایچون نسخ کافیه سی مدعی عمومیلکه تودیع قلندیغنی اعلان اولنور .

۱۸ کانون ثانی سنه ۳۲۵

اوچیوز یکر می بش سنه سی اغستوسنک اوچنجی بازار کیجه سی قاضی کوینده اشکمه جی زقاغنده واقع قصاب واسیل مانقنک دکانی فوقنده کی اوطه ده بولنان تیمور قاصه یی الت مخصوصه استعمالیله شکست ایدرک اچیه سی سرقت ایتدکاری ادعاسندن طولای مطنون علیه اولوب هیئت اتهامیه جه جنایتله اتهام اولنهرق حقنده اخذ وکرفت امری ویرلمش اولان و فرانسه دولت فحیمه سی تبعه سندن اولوب اقامتکاهی مضبوط بولنمیان اوزون ضعیف وجودلی قره بیقلی بغدادی بکزیلی طودونام شخص الیوم اثبات وجود ایتمهش اولدیغندن

اصول محاکات جزائیة قانوننک اوچیوز یتیش برنجی ماده سی موجبجه محکمهیه کلسی ایچون اشبو تاریخدن اعتباراً جانب ریاستدن مجدداً اون کون مهل ویرلمکه اشبو مدت ظرفنده کلدیکی حالده کندوسنه قانونه اطاعت ایتمهش نظریله باقیلهرق محاکمه سنک غیاباً بالرؤیه حقوق مدنیهدن اسقاط واموالی حجز اولنه جغنی و بوائنده برکونه دعوی اقامه سنه حتی اوله میه جغنی و علیهنده دعوایه قیام ایدیه جکی کبی بولندیغنی محلی بیلنلرک خبر ویرمکه و بالجله ضابطه عدلیه مأمور لرینک کندوسنی در دست ایتمه مجبور اولدق لرینی مبین اشبو قرار نامه اصول محاکات جزائیة قانوننک اوچیوز یتیش ایکنجی ماده سندن استنباط اولنان احکامه توفیقاً تنظیم و معامله حجزیه حقنده تبلیغات مقتضیه سنک اجرا وسائر معاملات ایفا اولنق ایچون نسخ کافیه سی مدعی عمومیلکه تودیع قلندیغنی اعلان اولنور .

۱۸ کانون ثانی سنه ۳۲۵

اوچیوز یکر می بش سنه سی اغستوسنک اوچنجی بازار کیجه سی قاضی کوینده اشکمه جی زقاغنده واقع قصاب واسیل مانقنک دکانی فوقنده کی اوطه ده بولنان تیمور قاصه یی الت مخصوصه ایله شکست ایدرک اچیه سی سرقت ایتدکاری ادعاسندن طولای مطنون علیه اولوب هیئت اتهامیه جه جنایتله اتهام اولنهرق حقنده اخذ وکرفت امری ویرلمش اولان و قاضی کوینده واپور اسکله سی جوارنده کائن روم کلیسای طلوبه رئیس یورکینک بش نومرولی قهوه خانه ده بربرلک ایدن اوزونجه بویلی ضعیف چهره لی مائی کوزلی قیویر جق صاچ و بیق و قاشلی یکر می اوچ یاشلرنده آخته پولی قضای اهلایسندن یورکی ولد خرسو الیوم اثبات وجود ایتمهش اولدیغندن اصول محاکات جزائیة قانوننک اوچیوز یتیش برنجی ماده سی موجبجه محکمهیه کلسی ایچون اشبو تاریخدن اعتباراً جانب ریاستدن مجدداً اون کون مهل ویرلمکه اشبو مدت ظرفنده کلدیکی حالده کندوسنه قانون اطاعت ایتمهش نظریله باقیلهرق محاکمه سنک غیاباً بالرؤیه حقوق مدنیهدن اسقاط واموالی حجز اولنه جغنی و بوائنده برکونه دعوی اقامه سنه حتی اوله میه جغنی و علیهنده دعوایه قیام ایدیه جکی کبی بولندیغنی محلی بیلنلرک خبر ویرمکه و بالجله ضابطه عدلیه مأمور لرینک کندوسنی در دست ایتمه مجبور اولدق لرینی مبین اشبو قرار نامه اصول محاکات جزائیة قانوننک اوچیوز یتیش ایکنجی ماده سندن استنباط اولنان احکامه توفیقاً تنظیم و معامله حجزیه حقنده تبلیغات مقتضیه سنک اجرا وسائر معاملات ایفا اولنق ایچون نسخ کافیه سی مدعی عمومیلکه تودیع قلندیغنی اعلان اولنور .

۱۸ کانون ثانی سنه ۳۲۵

سعدالدین فرید افندیکنک کر قور ولد اغیا ذمتنده ایکنجی محکمه تجارت اعلامیه محکوم به مطلوبنک تأمین تسویه سی ضمننده مدیون مرقومک پدری اغیادن منتقلاً متصرف اولمسی لازم کلان بلاطده قره باش محله سنده واپور اسکله سی جاده سنده فوقانی و تحتانی درت اوطه و بر صفا و بر طراجه و مطبخ و مشتملات سائرینی حاوی معلوم الحدود سنوی ۱۸۰۰ غروش ایجار کتوریر ۳۷ نومرولی خانه ایله تحتنده کائن شهری الشمس غروش ایجار کتوریر ۳۵ نومرولی بویاجی دکاننده درت حصه اعتباریه متصرف اولدیغنی ربع حصه شایعه سی

آشبو کانون ثاننک یکرمنجی چهارشنبه کونندن اعتباراً اون بش کون صکره موقع مزایده وضع ایدیه جکندن
اشتراسنه طالب اولندرک ودها زیاده معلومات المق استیانلرک محکمہ تجارت اجرا دائرہ سنہ مراجعت ایللری
دائرہ مذکورہ دن اعلان اولنور . ۱۹ کانون ثانی سنہ ۳۲۵

ایتمدی حالده دیننی ادادن امتناع ایتش عدولنهرق اموال واملانکک حجزیله حکم اعلامک اجرا اولنهرق
دائرہ مذکورہ دن اعلان اولنور .

۲۰ کانون ثانی سنہ ۳۲۵

ایساق بانطوفک متوفی پترو ذمتنده محکوم به الهجنی اولان مبالغک تأمین استیفاسی ضمننده عهدہ تصرفنده اولوب
ورثه سنہ انتقالی لازم کلان بیوک اطهده بنائیا کلیسای زقاغنده کائن الی نومروایله مرقم تربیعاً الشمس طقوز
زراع یدی پرمق عرصه اوزرینه مبنی درت لوطه بر صوفه و قیو و مطبجی مشتمل بر باب اخشاب خانه
لدای المزیاده بشیک غروش التون اقچه بدلایله طالبی عهدہ سننده تقرر ایدرک موقتاً قرار داده سی کشیده
قلنمش اولدیغندن تاریخ اعلاندن اعتباراً اوتوز برکون طرفنده لاقل یوزده بش ضمیله طالب اولوب
دها زیاده معلومات المق استیانلرک یوزده اون نسبتنده کی دیپوزیتو اقچه لرینی مستصحباً بک اوغلی اجرا
دائرہ سنہ مراجعت ومدت مذکورہ نک ختامنه مصادف شهر شباطک یکرمی دردنجی چهارشنبه کونی ساعت
الی راده لرنده محلنده صوک مزایده سی اجرا و قراردادده قطعسی کشیده قلنمق اوزرمارالذکر املاک پیشکاهنه
عزیمت ایده جک اولان مأموری مواجهه سننده حاضر بولملری اعلان اولنور .

قرخانمک متوقی سلیم بک زوجہ سی نورحانم ذمتنده بک اوغلی بدایت محکمہ سی ایکنجی حقوق دائرہ سنک
۱۸ اغستوس سنہ ۳۲۵ تاریخلی اعلامیه سکسان سکز لیرانک مع فائض و مصارف محاکمه استیفاسی
ضمننده مدیونہ مزبورہ نک عهدہ تصرفنده اولوب تحت حجزه الشمس اولان اسکندارده احسانیه مخلصنده
کائن اورته زقاغنده تخمیناً یوز یکرمی الی ارشون اون ایک یارمق اوزرینه مبنی اوچ قاتدن عبارت ایک صوفه
وسکزاوطه قیو و صهرنج و ارقه سننده تخمیناً ایکوز یکرمی و پیشکاهنده دمر پارمقلقه چویرلمش قرق درت
ارشون مقداری بغچه محللرینی حاوی مکرر الی ایک نومروایله مرقم بر باب خانه ده کی نصف حصہ شایعه سی
لدای المزیاده اون بریک بشیوز غروش التون اقچه بدلایله مشتری سی عهدہ سننده تقرر ایدرک موقت قرار
داده سی کشیده قلنمش اولدیغندن اشبو تاریخ اعلاندن اعتباراً اوتوز برکون طرفنده لاقل یوزده بش ضمیله
زیاده طالب اولانلرک ودها زیاده معلومات المق استیانلرک یوزده اون نسبتنده کی دیپوزیتو اقچه لرینی مستصحباً
بک اوغلی اجرا دائرہ سنہ مراجعت ایتلری ومدت مذکورہ نک ختامنه مصادف شهر شباطک یکرمی اوچنجی
صالی کونی ساعت سکربچق راده لرنده محلنده صوک مزایده علنیه سی اجرا و قراردادده قطعسی کشیده قلنمق
اوزر سالف البیان املاک پیشکاهنه عزیمت ایده جک اولان مأموری مواجهه سننده حاضر بولملری اعلان
اولنور . ۲۱ کانون ثانی سنہ ۳۲۵

غلطه ده حویار خاننده مقیم تجاردن نیقولای کی افندینک مکتب حربیه قرینه رضابکک خانه سننده ساکن
ازمیرلی عرب حسن حفیده سی نائله و زهرا خانملرک کندوسندن استقراض ایلدکری اوچیز لیرایه مقابل

تلغراف و پوسته اداره عمومیه سنہ اولان دین محکومک تأمین تسویه سیچون اغوب بویاجیان افندینک
عهدہ تصرفنده اولوب محجوز بولنان بیوکدرده کولمز زقاغنده کائن دروننده بر چاشور خانه و برلیونلق
وصو حزیه سنی مشتمل اطرافی دیوار و تیمور پر مقلقه محاط ۲۰۰۰ ذراع واسپانیا و چوبان اوغلی زقاقرنده
واقع دروننده اشجار مثمره و غیر مثمره سی و ایک خوض ایله طلومبلی بر قیوی مشتمل ۳۹۸۰ ذراع
و چوبان اوغلی زقاغنده ۴۸۳ ذراع وینه چوبان اوغلی زقاغنده ۴۱۸ ذراع و پیقولی و شر تخانه زقاقرنده
۴۲۶ ذراع بش قطعه عرصه سنک فروختی تحت قراره الشمس اولغله بر موجب قرار مذکور عرصه لر تاریخ
اعلاندن اعتباراً اون بش کون صکره موقع مزایده وضع ایدیه جکندن اشتراسنه طالب اولندرک ودها
زیاده معلومات المق استیانلرک محکمہ تجارت اجرا دائرہ سنہ مراجعت ایتلری اعلان اولنور .
۲۰ کانون ثانی سنہ ۳۲۵

بیک اوچیز یکرمی بش سنہ سی مارتنک اون اوچنجی همه کیجه سی اگری قیو خارچنده قیرمخلصنده
کائن استاوراکی افندینک خانه سی دیوارینی دلهرک تفیک سرقت ایتکله مظنون علیه اولوب حال فرارده
بولنان یدی قله ده ایرغاد بازارنده برادری سبزہ جی طناشک خانه سننده ساکن مانده خرسزی نایله مشتهر
سرسری کروهندن و اوصاف و اشکالی غیر مضبوط بولنان نیقولینک اصول محاکمات جزائیہ قانوننک مواد
مخصوصه سی احکامنه توفیقاً جنایت محکمہ سننده محاکمه سی اجرا قلنمق اوزرہ جنایتله اتهامنه قرار
ویرلیدکندن متهم مرقومک هر زده کوریلورایسه طوتیلوب محکمہ مذکورہ توقیف خانه سنہ تسلیمی لازم کله جکی
بالجمله ضابطه عدلیه مأمورلرینک معلومی اولق اوزرہ اشبو اخذ و گرفت مذکره سی درسعادت هیئت
اتهامیه سنندن بالتظیم اعطا قلندی . ۲۰ کانون ثانی سنہ ۳۲۵

ملتیا دینک بک اوغلنده غلطه سرایی قارشو سننده قره پن خاننده مقیم دیون عمومیه نک غلطه اداره سی
پول شعبه سی مأمورلرندن دیمتری حاجوپلو ذمتنده بک اوغلی بدایت محکمہ سی ایکنجی حقوق دائرہ سنندن
صادر اولوب معامله تبلیغیه سی ایفا قلنان ۲۳ اغستوس سنہ ۳۲۵ تاریخلی اعلام حکمکک تفیذینه دائر
تنظیم قلنان اخبار نامه نک زیرینه ویریلان شرحدن مدیون مرقومک محل مذکور دن چیقوب کیتدیکی والیوم
اقامتکاهی مجهول ایدوکی اکلاشلمش اولغله اجرا قانوننک یکرمی طقوزنجی ماده سی موجبنه ذکر اولنان
اخبار نامه دائرہ اجرا دیوانخانه نه تعلیق ایدیلهرک مدیون مرقومک طقسان برکون طرفنده اثبات وجود

بك اوغلنده حسين اغا محله سنده يغورتخانه زقاغنده متصرفه اولدقلى ايكي و اون طقوز نومرو ايله مرقم بر باب اپارتماني بر سته مدته عهده سنده وفاء فراغ ايتدكلى و مدت مذكوره مرور ايلديكي حاليه تسويه دين ايتدكلى جهته مذكور اپارتمانك فروختيله اتمانندن مبلغ مزبورك مع فائض و مصارف محاكمه و اجرت دلاليه اجرای موقتله تحصيله دائر بك اوغلى بدايت محكمه سى ايكنجى حقوق دائر سندن استحصا ايلديكي ۱۳ كانون ثانی سنه ۳۲۴ تاريخند، غیاباً قرار ویریلوب ۶ كانون ثانی سنه ۳۲۵ تاریخ و بیک یوز اوتوز بر نومرولى اعلام صورت مصدقلى مدعى عليه مانك اليوم زده بولندقلى مجهول اولدينى محل مذکور بكجيسى و خدمه سى طرفندن ویریلان راپورله ثابت اولديغندن اصول محاكمه حقوقه قانون موقتك یوز قرق طقوزنجى ماده سى موجبجه اعلام صورتلى محكمه دیوانخانه سته تعلیق اولندينى اعلان اولنور .

۲۱ كانون ثانی سنه ۳۲۵

اوپوز يكرى بش سنه سى كانون اولك اوچنجى بخشبه كيجه سى ساعت اوچ راده لرند بوسنان زوقاغنده ارايه جى شوكت افندي يه قارشو قتل قصديه تشهير ايلديكي يحاغاك على اغايه اصابتله جرح و احمد اغايى ضرب ايتكله مظنون عليه اولوب غير موقوف بولنان اوزون بويل قرال صاچ و قاش و بيق صارى الاكوزلى مطروش چكلى لغده باركير جيلر جاده سنده قهوجى علقونك خانه سنده مقيم يكرى بش ياشنده و انكل ولد نيقرلينك اصول محاكمات جزائيه قانونك مواد مخصوصه سى احكامنه توفيقاً جنات محكمه سنده محاكمه سى اجرا قلنمق اوزرد قانون جزائك يوز سكسانجى ماده سى موجبجه جناتله اتهامه قرار ویرليكنندن متهم مرقومك هر زده كوريلور ايسه طوتيلوب محكمه مذكوره توقيف خانه سته تسليمى لازم كله چكى بالمله ضابطه عدليه مأمورلرينك معلومى اولق اوزره اشبو اخذ و گرفت مذكره سى در سعادت هيئت اتهاميه سندن بالتنظيم اعطا قلندى .

۲۳ كانون ثانی سنه ۳۲۵

زاق بكك مرحوم مظهر پاشا كرمه سى شريفه صبيحه خانم ذمتنده اسكدار بدايت محكمه سى حقوق دائره سى اعلاميله محكوم به آلاجنى اولان مبالغ معلومه نك تأمين استيفاسيچون مديونه مومى اليهانك مالى اولوب قبل الحاكمه تحت حجزه النان بشكطاشده جهانما نام ديكر سليمان اغا محله سنده سرنجه بك يقوشنده واقع اون بش نومرو ايله مرقم اون بر بیک سكز يوز اون التى زراعدن عبارت قوناق عرصه سى لدى المزايدة ليرا يوز غروش حسابيله سكسان بیک غروش بدل ايله طالبي عهده سنده تقرر ايدرك موقت قرار داده سى كشيده قلنديغندن تاريخ اعلاندن اعتباراً اوتوز بر كون طرفنده لا اقل يوزده بش ضميمه طالب اولنلرك يوزده اون نسبتنده كى ديپوزيتو آقپه لرني مستصحباً اسكدار اجرا دائره سته مراجعت ايتلى و مدت مذكوره ختامنده يعنى شهر شباطك يكرى بشنجى بخشبه كوني ساعت طقوز راده لرند صوك مزايده عليه سنى اجرا و قرار داده قطعيلى كشيده قلنمق اوزره مارالذكر عرصه پيشگاهنده مأمورى مواجهه سنده حاضر بولنلرى دائره مذكوره دن اعلان اولنور .

۲۴ كانون ثانی سنه ۳۲۵

ديون عموميه ادار مسنك ابنيه قالفه لرندن قره بت قره كوزيان ذمتنده با اعلام محكوم به الاجننى بولنان مبالغك تأمين استيفاسى ضمننده تحت حجزه النوب فروختى قرار كير اولان اسكدارده سلامى على افندي محله سنده اسلامزده مكتب زقاغنده اوچ اوطه و بر صوفه و چاچى اراسى و بر مطبخ و بر قيو و بر بودورم و ايكي قات طقسان زراع اوزرينه مبنى بر باب سكز نومرولى اخشاب خانه نك نصف حصه سى تاريخ اعلاندن اعتباراً اون بش كون صكره موقع مزايديه قونيله جغندن اشتراسنه طالب اولنلرك ودها زياده معلومات المق استينلرك اسكدار بدايت محكمه سى اجرا دائره سته مراجعت ايتلى اعلان اولنور .

۲۴ كانون ثانی سنه ۳۲۵

عساكر عثمانيه قول باغلرندن على افنديك ادهم افندي ذمتنده كى مطلوب محكوم بهنك استيفاسى ضمننده دائر مومى اليه عهده سنده وفاء مفروع و فروختى حكم اعلامه مستند اولان كاغد خانه قريه سنده كاين جاده سنده قرق زراع عرصه ده مبنى بر نمرولى و اوطه يى شامل بر باب خانه نك تاريخ اعلاندن اعتباراً اون بش كون صكره بالمزايدة فروخته تشبث اولنه جغندن طالب اولانلرك بك اوغلى اجرا دائره سته مراجعت ايتلى اعلان اولنور .

۲۶ كانون ثانی سنه ۳۲۵

ترجاني شريف اغانك بشكطاشده خطب اسكه سنده و انلى ابراهيمك قهوه خانه سى فوقنده كى اوطه لرك برنده ساكن ترجان قضاسنك شب كل قريه سى اهالي سندن مختار مصطفى اوغلى رجب افندي ذمتنده بك اوغلى بدايت محكمه سى ايكنجى حقوق دائر سندن صادر اولوب مرقومك اقامتگاهى مجهول اولقندنناشى اعلاناً تبليغى اجرا قلنان ۱۹ اغستوس سنه ۳۲۵ تاريخلى اعلام موجبجه الهجنى اولان معلوم المقدار مبلغى تسويه ايتسى لزومنه دائر تنظيم قلنان اخبارنامه نك اعلاناً تبليغى داي مرقوم طلب ايتش اولديغندن اجرا قانوننك يكرى طقوزنجى ماده سى حكمنه توفيقاً تاريخ اعلاندن اعتباراً طقسان بر كون طرفنده مديون مرقومك اثبات وجود ايله محكوم بهى تسويه ايتسى اخطارنى متضمن تنظيم قلنان اخبارنامه دائره اجرا ديوانخانه سته تعلیق اولندينى كى مدت مذكوره ايچنده اثبات وجود ايتديكى تقديرده محكوم به دينى ادا دن امتناع ايتش عد اولنوب اموال و املاكى حجز و فروخت اولنهرق حكم اعلامك اجرا اولنه جنى دائره مذكوره دن اعلان اولنور .

۲۶ كانون ثانی سنه ۳۲۵

لوجيقه قادينك ویرژنى قادينك بك اوغلى بدايت محكمه سى ايكنجى حقوق دائر سندن صادر اولان ۱۱ ايلول سنه ۳۲۴ تاريخلى بر قطعه اعلام ايله محكوم به دينى اولان معلوم المقدار مبالغك تسويه سى ضمننده بك اوغلنده حسين اغا محله سنده قيل برونى جاده سنده عتيق يكرى التى ويكرى سكز نومرولى رضا پاشا وقفندن يوز قرق اوچ ذراع مقدارى عرصه ده مبنى اخشاب بر باب قهوه خانه ايله ايكي جهته ده ايكي شمر حفيد خانه ده مديونه مزبور نك والده سى افتيك خاتوندى انتقالاً متصرفه اولدينى نصف حصه شايه سى لدى المزايدة بیک بشيوز غروش وينه وقف مشار اليه دن محله مذكوره شيشخانه سواقاغنده يوز ذراع

عرصه مبنی عتیق ایکی والتی نومرولی والیوم مع بغچه تختنده قهوه خانه پی مشتمل ایکی اوطهلی اخشاب دیگر برباب خانه مدیونه مز بوره نك بیوك والده سی نیکدار خاتون بنت کیرقوردن استقلالاً متصرفه اولدینی کذلک نصف حصه شایعه سی بلمزایده بیک غروش بدل ایله طالبی عهده سنده تقرر ایدرک موقتاً قرار داده سی کشیده قلمش اولدیغندن تاریخ اعلاندن اعتباراً اوتوز بر کون ظرفنده یوزده بش ضمیله طالب اولانلرک یوزده اون نسبتنده کی پی ایچلرینی استصحاباً بک اوغلی اجرا دائره سینه مراجعت ایتملی ومدت مذکور مک ختامنه مصادف شهر شباطک یکر می یدنجی جمعه ایرتسی کونی دخی ساعت طقوز قرارلرنده مذکور املاک پیشکاهنه عزیمت ایده جک مأموری مواجهه سنده حاضر بولنملری دائره مذکور دن اعلان اولنور .

۲۶ کانون ثانی سنه ۳۲۵

اوچپوز یکر می بش سنه سی کانون اولنک اون التنجی چهارشنبه کونی ساعت اون راده لرنده سحرای جدیدده نوری افغانک مخدومی صبی حسینه جبراً فعل شنیع اجرا ایتکله مظنون علیه اولوب غیر موقوف بولنان و نردبان قریه سنده ساکن اولوب ارن کونی رشديه سینه دوام ایدن اورته بویلی قره قاش چاقر کوزلی شاب امرد اون درت یاشلرنده صالح بن احمدک اصول محاکات جزائی قانونک مواد مخصوصه سی احکامنه توفیقاً جنایت محکمه سنده محاکمه سی اجرا قلمق و صغر سنی حسینه حقه قنده قانون جزانک قرقنجی ماده سی تطبیق اولنق اوزره قانون جزانک یوز طقسان سکرنجی ماده سی موجبنه جنایتله اتهامه قرار ویرلیدکندن متهم مرقومک هر زده کوریلورسه طوتیلوب محکمه مذکوره توفیقخانه سینه تسلیمی لازم کله جکی بالجه ضابطه عدلیه مأمورلرینک معلومی اولق اوزره اشبو اخذ و گرفت مذکره سی درسمادت هیئت اتهامیه سندن بالتنظیم اعطا قلندی .

۲۶ کانون ثانی سنه ۳۲۵

سواری میرالایرندن محمد امین بکک مولویخانه قیوسی خارجنده کی کوشکندن اشیا سرقت ایتدکری ادعاسیله مظنون علیهمدن اولوب غیر موقوف بولنان اوزون بویلی اسمر بکزی قرال صاچ و قاش و بیقلی الا کوزلی مطروش چکلی ویدوس قریه سنده بر خانه ده متصرفاً ساکن اوتوز بش یاشلرنده کردک اوغلی اسماعیل بن ابراهیمک اصول محاکات جزائی قانونک مواد مخصوصه سی احکامنه توفیقاً جنایت محکمه سنده محاکمه سی اجرا قلمق اوزره قانون جزانک ایکوز یکر منجی ماده سی موجبنه موقوف بولنان ریفقارله برلکده جنایتله اتهامه قرار ویرلیدکندن متهم مرقومک هر زده کوریلور ایسه طوتیلوب محکمه مذکوره توفیقخانه سینه تسلیمی لازم کله جکی بالجه ضابطه عدلیه مأمورلرینک معلومی اولق اوزره اشبو اخذ و گرفت مذکره سی درسمادت هیئت اتهامیه سندن بالتنظیم اعطا قلندی .

۲۵ کانون ثانی سنه ۳۲۵

عدد	جنس	عدد	جنس
۱	یالیزی قولتق صندالیه	۴	وازو
۲	قولتق	۱	یازیخانه
۶	صندالیه	۱	قونسول ساعتی
۴	یمک صندالیه سی	۴	مشمع پرده مع قورنش و تول پرده
۱	دوریم یمک ماصه سی	۲	سیغاره لق اسکمله
۱	یالیزی قونسول مع کبیر اینه	۱	الچیدن معمول هیکل
۲	فانوزلی لامبه	۸	البوم
۱۷		۲۱	

یورکینک اسکدارده پاشا لیمانی جاده سنده واقع ساخلخانه ده مقیم احمد بک ذمتنده بااعلام محکوم به آلاجنی اولان مبالغت تأمین استیفاسی ضمنده مدیون مومی الیهک مالی اولوب محجوز و فروختی مقرر بولنان وبالاده جنسی ومقداری ک ستریلان اوتوز سکز قلم اشیا کانون ثانینک یکر می طقوزنجی جمعه کونی اسکدارده بات بازارنده ساعت بشدن التی به قدر بلمزایده فروخت اولنه جغندن طالب اولنلرک یوم و ساعت مذکوره حضر بولنملری اسکدار اجرا دائره سندن اعلان اولنور .

۲۵ کانون ثانی سنه ۳۲۵

متوفی حاجی وارطان اوسکر جیان ورته سنک مقدما درسمادتده یوسفیان خاننده مقیم اولوب الیوم محل اقامتی مجهول ایدوکی ورته مرقومه وکیلی طرفندن با عرضحال بیان اولنان صراف بلدویان سروپه اغا ذمتنده ایکنجی محکمه تجارتدن ویریلان و بر صورتی ۹ شباط سنه ۳۲۴ تاریخنده مدیون مرقومه تبلیغ قلنان ۳۰ تشرین ثانی سنه ۳۲۴ تاریخلی و ۴۹۱ نومرولی اعلام موجبنه الاجنی اولان قرق عدد عثمانلی لیراسنی فائض و مصارف محاکمه سیله برابر اشبو کانون ثانینک یکر می سکرنجی پنجشنبه کونندن اعتباراً سکز کون ظرفنده مدیون مرقوم سروپه اغا موقع اجرایه مراجعتله تسویه ایتمی وقانوناً قبوله شایان بر دیه جکی اولدینی حالده مدت مرقومه ظرفنده تحریراً بیان ایتمی و ایتدیکی و اثبات وجود ایدرک دینی تسویه ایتدیکی حالده الاجقلو طرفندن وقوعبوله جق طلب و تشبث اوزرینه بتلیسده هر سان محله سنده خان موقعنده واقع اولوب مقدما بالمحاره رئیس محکمه نك امریله حجز ایتدیرلمش اولان ۷۰۰۰ غروش قیمتلو صرف ملک برباب خانه ده اون حصه اعتباریله مدیون مرقومه انتقال ایتمی لازم کلان ایکی حصه سنک بلمزایده فروختیه اتمانندن تسویه دین ایتدیریله جکی معلوم اولق اوزره تنظیم قلنان اشبو اخبار نامه مدیون مرقومک الیوم محل اقامتی مجهول اولق ملاسه سیله مرقوم سروپه اغیه تبلیغ ایدلمش عد اولنق اوزره محکمه تجارت اجرا دائره سی دیوانخانه سینه تعلیق اولدینی کی غزته لرله دخی اعلانه مبادرت قلندی .

۲۶ کانون ثانی سنه ۳۲۵

روسیه دولتی تبعه‌سندن صراف موسیو یوسف یوسفیانک متوفی مهران افندی قیامه‌جیان ذمتنده
برنجی محکمه تجارت اعلامیه محکوم به مطلوبی بولنان مبالغت تأمین استیفای ضمننده متوفای موسی الیهک
عهد تصرفنده اولوب ورثه‌سنه انتقالی لازم کلان قاضی قریه‌سنده جعفر آغا محله‌سنده بهاریه زقاغنده ۳۳
نومرولره مرقم برنجی قسمده بیک یوز یتش بر زراع و طقوز پارمقدن عبارت ایکی قطعه عرصه و ایکنجی
قسمده کذا بیک یوز بش زراع و اوتوز بش پارمقدن عبارت دیگر ایکی قطعه عرصه و کذا درتیوز اون
زراع و قرق ایکی پارمقدن عبارت ایکی قطعه عرصه و اوچنجی قسمده سکز یوز قرق الی زراعدن عبارت
ایکی قطعه عرصه لکه جمعاً معلوم الحدود سکز قطعه عرصه لردن هر برینک سکسان سکزر سهم اعتباریه
الی سکزر سهمی موسی الیه مهران افندینک دینی مقابلنده اسمریان سرکز افندی به وفاء مفروغ اولوب
باقی اوتوزر سهمنک تاریخ اعلاندن اعتباراً اونش کون صکره بلزایده فروخته تشبث اوله جفتدن اشتراسه
طالب اولانلرک و ده‌زاده معلومات آلمق استیانتلرک محکمه تجارت اجرا دائره‌سنه مراجعت ایللری دائره
مذکوره‌دن اعلان اولنور .

۲۸ کانون ثانی سنه ۳۲۵

جلب اصنافدن طنش ماقسیم وکیلی باغچه قیوسنده صادقیه خاننده اون درت نومرولو اوطه‌ده مقيم
دعوی وکیلی صبحی کامل بکک موکنه اضافتله بک اوغلنده یکشهر محله‌سنده مقيم قصاب اصنافدن حسن بن
اسماعیل و شریکی قوچو علیلرنده درسمادت ایکنجی محکمه تجارتده اقامه ایلدیکی الاجق دعواسی نتیجه‌سنده
استیصال ایلدیکی ۲۳ تشرین ثانی سنه ۳۲۵ تاریخ و ۷۲۹ عددلی اعلامک صورت مصدقه‌سی لاجل التبلیغ
مرقومانک اقامتگاهلرینه کوندرلیدیکی حالده نره‌یه کتدکاری مجهول ازلدینی محله‌لری مختاریله مباشر طرفندن
بیان قلنمش اولسنه مبنی مذکور اعلامک صورت مصدقه‌سی علی الاصول محکمه دیوانخانه‌سنه تعلیق ایلدیکی
اصول محاکمات حقوقیه قانون مرقمتک یوز قرق طقوزنجی ماده‌سنک معطوف الیهی اولان یکریمی التنجی ماده‌سنه
توفیقاً اعلان اولنور .

۲۸ کانون ثانی سنه ۳۲۵

طنطاوی زاده متوفی خالد بکک افلاس ماسه‌سنه عائد بعض خصوصاتک مذاکره‌سی ایچون بالجله اصحاب
مطلوبک تجارت بحریه محکمه‌سنه کلی ایجاب ایتکله موسی الیهک سنه حالیه شباطنک اوچنجی چهارشنبه
کونی ساعت بش راده‌لرنده محکمه مذکوره‌یه کلری لزومی اعلان اولنور .

۳۰ کانون ثانی سنه ۳۲۵



